

重印

西寧府新志

重印


西

寧

府

新

志



西寧府新志卷之十八

遼海楊應琚佩之撰次

武備志

易象地水爲師而箕疇八政亦以師終之蓋有文事者必有武備也寧郡素號巖疆西鄰青海南達三藏環以諸番且西北逕通準噶爾尤爲用武之地哉昔楚子論武有七德曰夫武禁暴戢兵保大定功安民和衆豐財者也嗚呼盡之矣

兵制

戎器駝馬附西寧張伯大通貴德同載

漢武帝元狩三年遣驃騎將軍霍去病擊破匈奴右地

遂畧湟中築今居寨 六年設護羌校尉

宣帝神爵元年遣後將軍趙充國擊西羌疏畱田便
宜十二事罷騎兵屯要害西羌平

明帝永平三年省護羌校尉官

章帝建初元年復拜度遼將軍吳棠領護羌校尉居
安夷後移居臨羌

和帝永元中護羌校尉鄧訓以月氏胡爲義從羌每
從征得其死力 十四年置西部都尉屯龍支

晉惠帝永寧元年以張軌爲涼州刺史領護羌校尉

孝武帝太元十九年呂光以禿髮烏孤爲河西都
後魏孝文帝延興三年詔平西將軍皮懷喜爲前鋒長
孫觀爲大都督討吐谷渾拾寅降之 太和四年
拜吐谷渾伏連籌爲西海郡公

西魏文帝大統四年以柳檜爲都督鎮鄯州

隋煬帝大業五年詔安德王觀爲澆河道總管 四月

煬帝巡河右至西平陳兵講武

唐高祖武德二年置鄯州西平郡都督府

元宗開元二年以郭知運爲節度大使領鄯廓等州

天寶十三年哥舒翰奏置寧遠威勝金天武寧曜武

五軍

宋哲宗元符二年詔以青唐爲鄯州隴右節度邈川

礮今

邑爲湟州進王厚上關門副使統兵知湟州

徽宗崇寧三年改鄯州爲西寧州建隴右都護府

大觀三年正月陞湟州爲饗德軍節度

政和五年以王淵總理湟州蕃兵將

元世祖至元十二年九月賜西平王奧魯赤所部雞城

戍兵人馬三匹

明太祖洪武十九年命長興侯耿炳文城西寧始置演武場

成祖永樂十一年置鎮守西寧將領官 十二年以鷹揚將軍史昭爲都督僉事鎮守西寧

憲宗成化八年改西寧鎮子官爲守備

孝宗弘治元年置西寧道兵備官

世宗嘉靖八年舉人李完奏革莊浪叅將帶管西寧兵馬事許之 三十二年改西寧守備爲叅將

三十五年都御史傅鳳翔奏置碾伯欽依操守

神宗萬曆十二年改碾伯操守官爲游擊 改古鄯

操守爲守備置北川守備官 十八年詔遣兵部

尚書鄭洛經畧西海 十九年鄭洛奏置西川游

擊 二十三年巡撫田樂以兵備副使劉敏寬議

奏加叅將達雲副總兵節制莊浪西寧各營兵馬

及選家丁千名鼓舞土兵番人報可 二十四年

核定 營官叅將下中軍一千總三哨把總六管

火器把總二 游擊下中軍一千總二把總二

守備下中軍一把總一 防守官南川一石灰溝

一沙棠川一哈刺只溝一平戎驛一勝番溝一冰
溝一老鴉城一上川口一下川口一上三川一下
三川一新增的迭溝一或指揮千百戶各以地方
緩急大小酌量撥軍帶領防範年終更替

營兵

實在馬步軍九千七百一十名西寧營參將統領
三千一百五十二名碾伯營游擊統領一千四百
四十二名鎮海營游擊統領一千六百五十六名
北川營守備統領九百八名古鄯營守備統領一
千四十名南川堡防守統領二百六名石灰溝防

守統領一百五十二名
吐迷溝防守統領二百名
沙棠川防守統領三百六十一名
哈刺只溝防守統領八十名
平戎堡防守統領一百四十一名
勝番溝防守統領六十六名
老鴉堡防守統領二百二十一名
冰溝防守統領一百四名
李家土兵四百一十名
食糧
祁家土兵五百名
不食糧
或番夷大舉族長率領策應

車營按察使劉敏寬副將達雲議列營之制大小車相間拒馬鎗與車相間大車橫排小車相向前後

左右隨便行營微在轉移不得變亂方圓斜長因
於地勢大小疎爾稱乎兵馬神砲列車外十步湧
珠砲列車外五步三眼鎗車外稍近弓箭間之更
番射打劉敏寬議曰夫虜之所以爲長枝者馬衝
無前人悍無畏矢發無虛也我軍所以弗能當也
蓋車營所謂立於不敗之地禦夷有十二利焉夷
馬雖疾弗能踰也夷衆雖勇無能及也夷矢雖利
無能施也我兵有所恃而膽氣雄也有所馮而射
打閑也有所依而畜力裕也進可以攻而莫之禦

也退可以守而不能亂也輜重隨齎而騎可輕也
觀變出奇而可不失其正也列營不必下壕塹也
雨夜可以息士卒也我之長技無以逾此以我之
長當夷之長而夷之長將無所用矣

神砲車制高四尺濶三尺五寸長一丈二尺兩端任
駕速進退也每車用騾一頭御車施砲步軍六人
木板一片隨敵挂轅做偏廂馬

獨輪車計三百輛高三尺九寸前濶二尺五寸後濶
三尺長五尺五寸平端岐後前施木板橫濶五尺

中設獨輪上置弩弓一張次安伏柳機二具左右
各安火箭二枝裝盛弩箭火藥鉛子木匣三每車
三人推挽弓箭火具并此三人運用

拒馬鎗制長七尺六鋒尖銳旁植木椿貫以鐵索間
於車陣如遇險無車聯絡單施每隊五架軍持散
行

大神砲長三尺五寸圍一尺五寸重三百五十斤每
砲一出用火藥三十八兩裝畢搖者三上槌九用
土三罐復槌十內裝大熟鐵子四一重四斤一重

一斤半一重一斤一重半斤小生鐵子一百五十
各重一兩鉛子五十各重八錢掩口用鐵子一重
七斤每砲共備五出每二隊備一位按察使劉敏
寬增置八十七具

湧珠砲長一尺七寸圍八寸重四十五斤每砲一出
用火藥八兩裝畢搖者三上槌九用土一罐復槌
十內裝生鐵子四十各重一兩鉛子十各重一兩
掩口大鐵子一重一斤二兩每隊一位共備十出
每砲馱馬一匹馬軍四人

三眼鎗每杆重七斤柄長三尺五寸每眼一出用火藥三錢五分鉛子二各重三錢五分通備二十出每隊用鎗二十五杆按察使劉敏寬增置七百具伏柳機每具重五斤備子砲三各重一斤半每子砲一出用火藥五錢鉛子二各重四錢每具共備二十出按察使劉敏寬增置四十二具

火龍箭筈長五寸杆長四尺九寸箭鏃出筈二寸裝藥須以鐵筈合鎚錠實方爲通利用鎚鑽者淺而不決多致中俯此惟利於攻營射密漫用無當每

獨輪車一輛備四十枝

單矢弩弩有一發二三矢者發遠中多未嘗不善但發多則力分矢輕則力寡遇甲多躍縱入不深其惟單矢弩乎長四尺三寸箭長一尺九寸一發止於一矢鏃後四鈎易入難出稍短無殼射無返還每獨輪車一輛設弩弓一張弩箭一枝

馬匹原額軍士騎操馬三千九百五十九匹內京運

椿朋銀買給八百餘匹茶易馬三千七百餘匹萬歷二十二年實在馬六千九百餘匹銀買少而茶

易多至二十三年以來頗多增置西寧營馬二千
五百一十九匹鎮海營一千二百八匹碾伯營一
千二百一十二匹北川營七百八十六匹古鄯營
七百九十五匹南川一百三十四匹石灰溝一百
三十七匹亂迭溝九十四匹沙棠川三百一十八
匹哈刺只溝八十四匹平戎七十匹勝番溝四十八
匹老鴉一百三十七匹冰溝六十一匹共馬之千
五百九十九匹

明景泰中以賈德爲中左所守禦設馬軍五百員名衛

守此土設五百屯軍以供糧餉委河州衛指揮及
世襲千一百戶防禦

皇清設西寧副總兵一員管理將弁兵馬

順治十三年移臨鞏總兵官駐劄西寧城原統轄標
路河洮等營舊額馬步戰守兵共一萬二千四百
二十五名內鎮標五營舊額馬步兵四千五百名
內馬戰兵二千四百名步戰兵二千一百名
協路各營舊額馬步守兵七千九百二十五名內
馬戰兵二千二百五十八名步戰兵一千五百

三十一名 守兵四千一百三十六名

康熙五十八年總鎮王以謙奏請標營增添火器步兵一千名

雍正六年奉文在於標營裁撥新設大通鎮永安白塔及永固永昌等營步兵二千五百名

雍正七年奉文標路增添馬步守兵二千名內 馬戰兵八百名 步戰兵六百名 守兵六百名

雍正九年奉文標營增添馬步兵二千名內 馬戰兵一千二百名 步戰兵八百名

雍正十二年署鎮范散秩大臣時捷奏請設立喇課
千總營於本標增添兵內抽撥馬步守兵一百九
十名內 馬戰兵六十名 步戰兵六十五名
守兵六十五名赴彼駐劄仍屬西寧鎮管轄

雍正十三年奉文將標路七九兩年增添新兵陸續
裁汰停補又於本年奉文河州設鎮大通改協案
內將西寧鎮原轄屬之河東洮岷臨蘭鞏秦階文
等十六營統歸河州鎮管轄將大通永安白塔三

營歸隸西寧鎮管轄

乾隆五年管川陝總督查大學士郎阿據議奏請添
設巴燕戎 河拉庫托 亦雜石 扎什巴 康
家寨 甘都堂 訖思觀 千戶莊八營堡共設

馬步兵一千九十名內 馬戰兵四百五十名

步戰兵六百四十名其所添兵丁在於標路七九
兩年增添新兵內撥往駐劄將巴暖營游擊千總
移駐巴燕戎巴暖營改設守備一員把總一員留
兵二百名內 馬戰兵六十名 守兵一百四十

名

見在西寧鎮屬標路各營除應裁新兵外實在額兵
共九千六百五十六名

鎮標五營額兵四千名內 馬戰兵二千四百名

步戰兵一千六百名內

中營 馬戰兵四百八十名 步戰兵三百二十名

左營 馬戰兵四百八十名 步戰兵三百二十名

右營 馬戰兵四百八十名 步戰兵三百二十名

前營 馬戰兵四百八十名 步戰兵三百二十名

後營 馬戰兵四百八十名 步戰兵三百二十名

協路各營額設馬步守兵共五千六百五十六名內
馬戰兵二千二百二十名 步戰兵一千八百六
十一名 守兵一千五百七十五名內

城守營 步戰兵五十四名 守兵二百名

大通協營 駐劄大通衛所屬之大通城 馬戰兵四百八十名

步戰兵三百二十名

永安營 馬戰兵一百四十名 步戰兵三百六十

名

白塔營 駐劄大通衛城 馬戰兵一百六十名 步戰兵二

百四十名

按大通衛

乾隆二十六年裁衛改縣

國朝雍正三年設大通總兵官一員左右兩營白塔設

叅將一員永安設游擊一員各統馬步戰兵防衛

自成一鎮雍正十三年河州設鎮大通改爲協裁

左右兩營游擊二員守備二員把總四員馬步戰

兵一千二百名設中軍都司一員畱千總二員把

總四員馬六步四兵八百名白塔亦改設都司僉

書裁叅將一員守備一員千總一員把總二員馬

步戰兵四百名雷千總一員把總二員馬四步六
兵四百名永安仍舊裁千總一員把總二員馬步
戰兵二百名雷馬步戰兵六百名

丹噶營 馬戰兵二百五十名 步戰兵一百二十

五名 守兵一百二十五名

鎮海營 馬戰兵一百三十九名 步戰兵五十七

名 守兵八十五名

河拉庫托營 馬戰兵一百名 步戰兵一百名

喇課營 馬戰兵六十名 步戰兵六十五名 守

兵六十五名

南川營 馬戰兵五十八名 守兵二百四十名

貴德營 駐劄貴德所城 馬戰兵三十名 守兵一百五十

名

按貴德所 乾隆二十六年改設西寧縣縣丞

國朝順治六年設守備一員守兵一百五十名防守雍

正七年增添經制外委把總一員十一年改設都

司乾隆五年添撥西寧標營馬戰兵三十名

北川營 馬戰兵一百四十六名 守兵二百一十

名

威遠營

馬戰兵五十八名 守兵二百二十名

碾伯營

駐劄碾伯縣城

馬戰兵四十九名 守兵一百一

十名

老鴉營

馬戰兵一十名 守兵四十名

冰溝營

馬戰兵一十名 守兵五十名

按碾伯縣

國朝設守備一員防禦雍正十一年改設都司僉書

西大通營

涼州平番縣屬

馬戰兵二十名 守兵四十名

巴燕戎營 駐劄巴燕戎歷城 馬戰兵二百名 步戰兵二

百名

巴暖營 馬戰兵六十名 守兵一百四十名

亦雜石營 馬戰兵三十名 步戰兵七十名

千戶莊營 馬戰兵一十名 步戰兵三十名

甘都堂營 馬戰兵五十名 步戰兵一百名

康家寨營 馬戰兵二十名 步戰兵四十名

扎什巴營 馬戰兵三十名 步戰兵七十名

訖思觀營 馬戰兵一十名 步戰兵三十名

西寧縣碾伯縣各土司土兵附

西寧縣土司

土司所出土兵數目俱照鎮冊開載其餘土司暨住址詳官師志職官未

世襲指揮使祁憲邦所管入兵冊 馬土兵一百五

十名

世襲指揮使陳帝範所管入兵冊 馬土兵五名

步土兵二十名

世襲指揮同知李承唐所管入兵冊 馬土兵五十

名 步土兵五十名

世襲指揮使余事注於崑所管入兵冊 馬土兵五名

步土兵二十名

世襲指揮僉事納世績所管入兵冊 馬土兵五名

步土兵二十名

世襲指揮僉事吉應魁所管入兵冊 馬土兵五名

步土兵二十名

碾伯縣土司

世襲指揮同知李國棟所管入兵冊 馬土兵三百

名

世襲指揮同知祁在璣所管入兵冊 馬土兵一百

名

世襲指揮同知趙爾良所管入兵冊 馬土兵五名

步土兵二十名

世襲指揮僉事冶俊祥所管入兵冊 馬土兵二十

五名

世襲指揮僉事阿珍所管入兵冊 馬土兵二名

步土兵十四名

戎器 駝馬

威遠砲 子母砲 弓箭 烏鎗 矛 鏡 籐牌

戎器 駝馬

挑刀 雙手帶 棍

鎮屬標路甲冑旗幟軍裝俱全按年巡查本標五營
每營額設馬戰兵四百八十名內除 官員養廉
名糧四十一名俱按品級支食不等

實存營馬兵四百三十九名內 弓箭手一百名

烏鎗手三百三名 銳手三十六名 兼射箭

每營步戰兵三百二十名內除 官員養廉三十二

名 公費一十六名

實存營步兵二百七十二名內 烏鎗手一百名

砲手三十四名 兼舞外雙手帶

矛子手六十名 兼射箭

籐牌手六十名 兼舞棍

批刀手一十八名 協

路官員養廉暨兵丁所習兵器倣此

鎮屬各營兵丁額馬四千六百二十匹內 標營馬

二千四百匹 協路各營馬二千二百二十匹

備戰駝五百隻 又配砲駝一百隻

額設孳生駝二百隻

額設孳生馬一千二百匹

備兵

寧郡塞外正西二千二十餘里有哈吉爾西北二千一百餘里有色爾滕二處徑通準噶爾地方故於鎮屬標路馬步戰兵內挑選精健者爲戰兵共五千名以備用內馬戰兵三千一百六十名步戰兵一千七百四十名內

中營派備馬步戰兵六百二十名內馬戰兵四百二十名步戰兵二百名

左營派備馬步戰兵六百二十名內馬戰兵四百二十名步戰兵二百名

右營派備馬步戰兵六百二十名內 馬戰兵四百

二十名 步戰兵二百名

前營派備馬步戰兵六百二十名內 馬戰兵四百

二十名 步戰兵二百名

後營派備馬步戰兵六百二十名內 馬戰兵四百

二十名 步戰兵二百名

大通協派備馬步戰兵五百一十五名內 馬戰兵

三百名 步戰兵二百一十五名

永安營派備馬步戰兵三百五十四名內 馬戰兵

一百五十名 步戰兵二百四名

白塔營派備馬步戰兵二百一十一名內 馬戰兵

一百一十名 步戰兵一百一名

丹噶鎮海喇課三營派備馬步戰兵二百八十名內

馬戰兵三百名 步戰兵八十名

河拉庫托營派備馬步戰兵一百一十名內 馬戰

兵七十名 步戰兵四十名

北川營派備馬戰兵八十名

巴燕戎營派備馬步戰兵二百五十名內 馬戰兵

一百五十名 步戰兵一百名

戍兵

防範寧郡塞外正西德布特爾哈吉爾西北依克柴
達木色爾滕等處邊隘聲息 西寧鎮營千把總
四員 馬兵一百名

總理青海番子事務衙門派撥青海各旗佐領驍騎
校各二員 蒙古兵二百名俱一年一換

莊浪滿營派撥巡查德布特爾柴達木等處邊隘佐
領防禦各一員驍騎校二員 滿兵二十名於九

西寧府志
卷之八
月內出口至次年二月內回汛

按寧郡出日月山隘口卽青海蒙古地界正南由青海達四川松潘西南係入西藏之塗惟正西地方遼濶徑通準噶爾西北過山卽屬安西沙州正北則有通甘肅赤金之路其應防準噶爾窺伺緊要之處則現安臺卡之兩路一路係自哈什漢水頭臺起至木克胡蘆素十臺自十臺由希席額色爾津烏木漢至德布特爾底卡自底卡中插漢哈吉

爾噶順剛又戈壁

塞外無水草處

噶斯哈嗎爾打坂直通

準噶爾伊里又自木克胡蘆素十臺分路由西北
之皂哈哈必爾哈巴漢柴達木至依克柴達木底
卡由色爾滕衣遜插漢齊老兔馬海戈壁徑通伊
里於雍正十三年撤兵之後在西寧鎮營派撥千
把四員馬兵一百名青海各王扎薩派佐領驍騎
校各二員蒙古兵二百名自哈什漢水起至額色
爾津共安十三臺以備傳遞文報於德布特爾設
一卡倫駐千把二員蒙古佐領驍騎校二員綠旗
兵十一名蒙古兵四十二名輪流瞭探每半月至

哈吉爾地方換牌子一次以爲証據於依克柴達木設一卡倫駐把總一員蒙古佐領一員綠旗兵十八名蒙古兵三十三名亦半月輪流哨探至色爾騰地方換牌子一次又於額色爾津烏木漢城內設一總卡駐千總一員綠旗兵三十名蒙古兵二名以備守城并接應德布特爾依克柴達木兩路卡倫之用查額色爾津在西寧之正西離西寧約一千二百餘里額色爾津迤西二百七十餘里卽係德布特爾卡倫德布特爾至哈吉爾換牌子

地方約四百五十餘里依克柴達木底卡在西寧之西北離西寧約一千七百餘里依克柴達木到色爾騰換牌子地方約四百餘里又有莊浪滿營派撥佐領驍騎校四員滿兵二十名每遇臨冬之際出口分查兩路卡倫入春之後仍進口回莊以上官兵聽總理青海番子衙門調遣此年來設汛安兵瞭探之緣由也

貴德民兵

明季洪武十三年修築貴德土城工竣因所地土著

多係羌戎故撥河州民四十八戶處之臨城近地
給與田畝免其稅糧責以城守乃寓兵於農之意
國朝因之雍正元年青海蒙古謀逆勾通貴德生番其
防守城池堵禦賊衆大得民兵之力統兵大將軍
曾頒花紅茶布以獎勵之今 覆露生息生齒繁
衍歷年所官多欲將田畝陞科裁去民兵自乾隆
四年歸隸寧郡經西寧道僉事楊應琚率同知府
申夢璽親至其地見官兵數少生番甚衆豈可貪
彈丸黑子之賦稅而毀數百年已效之章程爰三

選其一勝兵得一千二百九十四名捐給旗幟
請兩臺

奏明仍循舊制以絕後官希冀并將民兵分爲三哨設
民千把總十一員以統領之缺監司選補其戎器
撥鎮營所餘農隙所官與營員公同訓練不得瑣
屑致悞其業

制曰可

中左右三哨 民千總三員 民把總八員 民兵
一千二百八十三名

西寧府新志卷之十九

武備志

西寧府

番族

西番卽西羌族種甚多自甘肅歷四川雲南西徼外
皆有而散處河湟間者爲中國患尤劇漢趙充國張
奭馬賢段熲魏郭淮晉馬隆隋劉權唐婁師德哥舒
翰宋王韶王厚之所經營皆此地也元遣駙馬章古
鎮西寧於河州設吐蕃宣慰司統制番衆明洪武二

年太祖定陝西卽遣官來河湟招諭其酋長皆觀望
復遣員外郎許允德招之乃多聽命又遣歸附元甘
肅右丞朶爾只失結西寧州同知李南哥招撫其酋
長至者亦悉授官以茶馬互市山後貴德等州西番
諸部落亦皆以馬來市是時西寧共十三族耳至正
德四年蒙古部首亦不剌阿爾禿廝獲罪其主擁衆
西奔瞰知青海饒當襲而據之大肆焚掠番人失其
地多遠徙其畱者不能自存反爲所役屬自是西碾
始有海寇之患後真相移駐莽刺川火落赤移駐捏

五川逼近西寧日蠶食番族番不能支則折爲寇用
扯力克又西行助之勢益熾經尚書鄭洛中丞田樂
兵備副使劉敏寬叅將達雲剿撫悉合機宜番人漸
復歸業爲中國用崇正十一年李自成屢爲官軍所
敗自洮州軼出番地諸將窮追復奔入塞內番族亦
遭蹂躪十五年西寧番族作亂總兵官馬曠督諸將
進剿斬首七百有奇餘招撫而還番人已分三十八
族矣然終爲青海所逼私饋皮幣曰手信歲時加饋
曰添巴或反爲嚮導交通無忌其時之所患仍在寇

而不在番也明萬歷時番人分爲二十五族尚可稽
考列於左方并志其戶口服製風俗以備觀覽云
萬歷中番人二十五族

申中族一名申冲洪武三十年招撫居牧貴德碛後
徙塞內孤山灘古牛心堆西也去衛治四十餘里
有城郭廬室田畜爲業戶二百口六百有奇授指
揮一歲輸馬三百五十有奇其俗多毛布男子衣
二截上修倍下下多縱縫冬衣獸皮貴賤有異女
子椎髮被頰而下貴者首項飾珍珠珊瑚琥珀

璵瑪瑙臘珀海螺之屬飲食恒牛羊戎餅重茗酪
間獵黃牛黃鼠麴鹿野牛馬雉兔食之歲以麝香
犏牛羝尾馬尾土豹狐皮入市婚禮以馬爲聘貴
者十餘匹下亦二三每歲元旦及至日萬壽節十
三族受爵大酋咸赴衛城隨班朝賀次日宴於衛
堂頒賚而去

隆卜族居牧塞外去申中南百餘里有上下二族西
鄰思果迷東接占晒南至黃河東西二百里無城
郭多毳帳間有廬室戶二千口四千有奇國師二

風俗畧與申中同往往不率國章先是烏思巴爾
諸酋叛掠千戶李淳擣其廬帳諸部恚憾正德十
四年冬十月復入大掠淳追擊出塞中伏被執寸
莖其屍自是叛亂靡定不內屬也其後顧受大明
寺藏僧鎖南堅錯要約萬歷十八年松夷宰僧阿
赤兔入掠其部十九年經畧尚書鄭洛因其挫劔
遣使致鎖南堅錯收撫之開族八十有奇各立族
名合輸馬五百五十有奇

占咂族一曰章咂洪武十三年招撫居塞外西接下

隆卜東鄰革咂居處服食皆同往往按連二族叛服靡定嘉靖四十年出掠馬哈刺溝輸馬久絕萬歷十九年經畧尚書鄭洛遣使招諭之互開其族立二十九族總計輸馬三百匹有奇中多兵備劉敏寬復招徠者焉

革咂族一曰哈咂洪武十三年招撫居塞外在占咂東古鄯之西南也無廬室多罽帳戶四百口九百餘其俗畧與占咂同馴獷靡常正德十四年番首鎖南温古六失加侵掠洪化寺守備楊佑襲破之

嘉靖四十年由南川掠馬哈刺溝萬歷九年入掠
思打岔破百戶郭承勳劉世爵追出塞外中伏而
死十三年兵備副使燕好爵帥兵擣其巢穴斬馘
一百三十有奇獲生畜二千有奇有牛一身兩頭
十七年入犯三川防守百戶劉存仁追戰死之輸
馬遂絕十九年經畧尚書鄭洛招收不至二十三
年兵備劉敏寬遣人慰諭并其屬族有掩官科元
族荅加族歲總輸馬四十有奇

打不受族居牧塞內古鄯西北之松樹灣會寧伯李

氏族也口一百有奇歲輸馬一十五

洛巴族居牧塞內在古鄯西戶一百口二百五十歲
輸馬二十有奇

古迭族在古鄯西與打不受鄰指揮東祁族也口一
百有奇歲輸馬二十

珍珠族居牧貴德峽兵備劉敏寬招撫之戶一百有
奇口五百歲輸馬一百餘匹

那爾卜族居牧古鄯西鷲峰寺屬族也輸馬二十有
奇

思果迷族一曰果迷卜啞洪武十三年招撫在上隆
卜西去衛治一百五十餘里蓋古澆河郡地有上
下二族其飲食居處不異隆卜又有哈沙族向弗
效順萬歷十九年經畧尚書鄭洛遣使招撫三族
來歸歲輸馬約五十匹盈縮不齊時或不至二十
三年兵備劉敏寬招諭馬復歸順用爲西海耳目
有斬獲功

申藏族洪武十三年招撫十三族之一也居牧上思
果迷西近青海漢西海郡地其種族久已散亡

日覺刺麻族往居牧仰華寺寺焚東徙歲輸馬三十
有奇

隆奔族洪武十三年招撫居牧塞內外周西納南西
北三隅有城郭廬室塞外者列帳有夷警徙塞內
俗同申中西納也有國師指揮歲輸馬一百三十
有奇其支屬有奔巴爾族居西石峽戶一百有奇
口二百五十歲輸馬一百五十

西納族洪武十三年招撫居牧塞內湟水北西去衛
治六十里有城郭廬室田畜爲業有寺授國師一

賜銀印一牙章一戶五百口一千五百有奇俗與
申中隆奔同歲輸馬三百有奇其支屬有小西納
居牧古鄯北原歲輸馬三十有奇又有思打刺麻
族窩爾金剛寺亦輸馬五十有奇

思冬思哥族居牧塞外與西納鄰接居處服食皆同
戶一百口二百有奇歲輸馬一百有奇

加爾卽族洪武十三年招撫居牧塞內西納北之金
城山南國師一指揮二賜銀印牙章各一戶三百

口千七百餘有城堡居處服食與申中同歲輸馬

八十有奇

紅帽兒族沙州番也一云卽安定王部落正德中爲海敵殘破流沙州後徙西寧塞外善射海敵畏之時亦梗內地萬歷十九年經畧尚書鄭洛招撫之後却爾失加與瞿曇寺有媼戚復徙牧其境居廬室效順焉一支爲刺卜爾族

刺卜爾族初居塞外爲火落赤所掠萬歷十九年經畧尚書鄭洛招撫二十三年前後助兩川之捷有功勅授國師指揮以下有差今徙內居廬室戶三

百口七百有奇歲輸馬一百有奇偵探禦敵數得其力焉

巴沙族洪武十三年招撫居牧塞外去衛治北一百餘里北至大通河西至北川塞外東接大通城廣袤五百餘里無廬舍多芻帳其俗與諸番酋無大異所屬有咎咂思俄思哥等小族恃險阻數出掠正統十三年番酋瓦落叛遣指揮祁賢捕獲之天順元年四出侵犯涼永莊浪西寧攻破城堡戕殺

官軍劫掠牲畜無算鎮撫會請擊之總兵官衛顛

副總兵毛忠帥兵由駱駝山討之俘斬七千七百有奇至正德十一年又入掠水磨溝百戶佛元戰死之是年總兵官徐謙率兵襲擊破之其族遂散而答哂族漸彊盛

答哂族巴沙小族也巴沙散弱全有其地南北百餘里東西三百里支屬散處各自爲族無統攝有大答哂族小答哂族上答哂族中答哂族下答哂族六古哂族薛哂族劄爾的族巴哂族巴的族設加族思冬沙族阿洛受族思哥迷族刺哂族亞思革

族倉阿思加族冲啞族馬其沙族馬其冲杓族恩
蠻啞族諸貢族奔阿族思加濟族阿洛朵只族北
俺官族哈爾麻族工巴族舍加族窩爾定族茶佳
族麻爾日族麻居族而思各迷族有國師金印小
札爾的族其塔也鮮迷族居大通川者則輸馬於
莊浪大咎啞戶一千五百口四千刀羣利善使巴
啞戶三百口八百有奇帶甲勝兵三百海夷云紅
帽善箭咎啞善刀恒畏之嘉靖九年掠碾伯四月
掠土官溝指揮彭杲擊敗之二十二年酋長却星

守備許世勳追敗之二十九年爾加定族
守備唐勇間道擣其巢頗多殺獲及兵
據險力戰勇額中矢兵遂敗
陳龍趙威死之殺傷百餘人所獲俘誠牲
三十年聚衆攻掠紅崖堡守備俞京帥兵
救怯不敢進麾下指揮趙芳百戶劉清總旗孫
先舍人李繼志率勇敢三十人出營先進與戰
爲賊所圍清與瑞先三十餘人皆死之芳中
三刀繼志中七刀京聞敗遂棄營遁軍士大亂喪

老不可勝計官軍二千未遇賊而潰京止遣戍是
年又犯礮堡操守指揮賀有年追擊死之三十二
年設加和尚爾加定聚諸族燒掠堡寨兵備副使
范瑟破其衆三十四年閏十一月入掠叅將張廷
輔敗之於沙崇川三十六年六月爾加定又掠潘
其營操守指揮彭汝爲戰死八月掠紅崖溝十月
掠水磨溝復掠鍾家莊三十七年十月掠楊官溝
十二月掠弩木只溝操守指揮嚴威擊走之是月
復掠西水磨溝三十八年正月刺囉族出掠土官

溝二月復掠黑松峽于家寨四十年三月部人掠
顏只溝操守嚴威擊走之至萬歷十八年正月入
掠沙棠川防守百戶劉世臣遇害其蹂躪我二地
荼毒人民不可屈指計官兵不能一大創種類日
繁負險爲固十九年經畧尚書鄭洛鼓番族以逐
海夷遣使招撫之得王巴以下七族而大奢哂始
歸焉二十三年兵備按察使劉敏寬參將達雲禦
夷兩川出勝兵三百五十助戰破夷之後頗畏威
力令諸族歲輸馬六百五十有奇

思俄思哥族亦巴沙族屬也居衛城北塞外管晒部
中天順七年巴沙糾犯沙棠川慶三年出掠平
戎道上叅將陳愷掩擊之至其帳賊罔知也誅其
首惡不敢復出後肅州南山僧來居其族凡管晒
族屬咸師事之習其教焉歲輸馬三十有奇

巴哇族洪武十三年招撫初居牧北塞外與巴沙鄰
巴沙屢糾其族及其族所屬阿爾加倉叛天順七
年入掠沙棠川大破之其衆寢弱正德十一年總
兵徐謙襲巴沙而巴哇亦散亡流處沙棠川北川

哈刺只溝居廬室歲輸馬三十

小札爾的族居牧紅崖溝腦有城堡處廬室蓋肅州
西山僧烏思藏所遣來居塞內開族中馬五十有
奇

麻加族居牧塞內碾伯北勝番溝有城堡居廬室戶
八十餘口二百歲輸馬一十有奇

奔刺族在塞內紅崖溝居廬室有僧自南來居此遂
開族輸馬戶纔二十口五十有奇

皇清雍正元年平定青海編為佐領將內外番人入我版

圖或輸糧或貢馬斷其右臂真可謂得捍外衛內
之道矣寧郡四屬俱有番民其西碾二邑番族近
南山者又特設巴燕戎撫番廳以化導于羈縻云

巴燕戎撫番廳

迭柞族郡城東南一百九十里相連囊思多族共五
百六十六戶百戶存住百戶之下設有鄉約

囊思多族郡城東南一百六十里相連多巴族共二

百四十三戶百戶官卜刺夫旦設有鄉約

多巴族郡城東南一百六十里相連舍人

一百三十九戶百長隆住設有鄉約

舍人不具族郡城東南一百八十里相連安達池哈
族共一百三十四戶百長班的設有鄉約

安達池哈族郡城東南一百八十里相連思那加族
共一十九戶百長郭愛設有鄉約

思那加族郡城東南二百二十里相連喀咱工凹族
共一百三十六戶百長桑吉設有鄉約

喀咱工凹族郡城東南一百九十里相連沙卜楞加
賀爾散莊共一百二十七戶百長噶卜藏設有鄉

約

黑城子加賀爾莊族郡城東南一百八十里相連巴
燕戎共一百九十二戶鄉約馬三

羣家族郡城南七十里共五十一戶設有鄉約

水乃亥族郡城東南一百九十里相連實達倉族共
一百四十九戶百長角巴下有鄉約

實達倉族郡城東南二百一十里相連喇咱族共一
十八戶鄉約班第

喇咱族郡城東南二百一十里相連千戶族共二百

九十九戶百長官卜下有鄉約

千戶族郡城東南二百二十里相連奔加不爾具族
共四百九十六戶百長郭尼下有鄉約

奔加不爾具族郡城東南二百七十里相連科巴爾
堂族共二百七戶百長楞乃下有鄉約

科巴爾堂族郡城東南二百九十里相連羊爾貫族
共六十五戶鄉約洛卜藏

羊爾貫族郡城東南二百九十里相連科巴爾堂族
共八十戶鄉約麻尼吉

西寧縣

上各密族百戶說合多爾共管四族內

上各密族郡城西南二百二十里相連竹草族共七十七戶鄉約拉木賴

竹草族郡城西南二百里相連提哇族共七十六戶鄉約沙克都爾多勒

提哇族郡城西南一百八十里相連果米宛里族共五十一戶鄉約格隆

果米宛里族郡城西一百九十里相連管家族共五

十戶鄉約依賣現

下各密族百戶噶然兒共管五族內

管家族郡城西南一百一十里相連提哇族共一百
二戶百長貴南達爾吉

亦石雜族郡城南一百四十里相連火力家族共六
十三戶鄉約才旦尖水錯

火力家族郡城南一百五十里相連多利倉族共八
十戶鄉約阿剛

多利倉族郡城南一百六十里相連火力家族共五

十戶百長噶卜藏鄉約哈卜藏

噶然爾族郡城南一百三十里相連羣家族共二百四十三戶鄉約多爾吉且夫旦

由中族郡城南五十里相連塔爾寺計一十三莊內

除羣家一莊計五十一戶因住居南山後歸巴燕戎廳管轄止計一十二莊 申中臺 加牙陳家

難 羊毛溝 加牙阿看莊 加爾藏 羣他爾

什張加 傻爾加 賁爾加 沙爾灣 阿爾

計 丹洛麻共一千二百七十九戶

刺卜爾族郡城西南六十五里相連隆奔族住居大
康城共二百八十戶

隆奔族郡城西六十里相連西納族住居國師營共
八百七十二戶

西納族郡城西北六十里相連圓覺寺住居西納上
寺莊共一千三百七十九戶

思冬思哥族郡城北五十里相連巴哇族住居景羊
川共三百五十六戶

巴哇族郡城北五十里相連咎喱族住居七塔爾腦

共九十八戶

巴沙族咎哂族并思俄思哥族郡城東北一百二十
里相連安定族住居咎哂總名咎哂族共一百四
戶

安定族郡城東北九十五里卽昔之紅帽兒族相連
珍珠族住居威遠堡東共一百四十三戶

珍珠族郡城東北一百里相連白札爾的族住居威
遠堡東共一百五十三戶

白札爾的族郡城東北九十里卽昔之卜札爾的族

住居紅崖子溝腦共一百五十二戶

塔爾寺族郡城西南五十里共二百六十七戶

碾伯縣

上札爾的族縣城西北八十里相連拉雜族共四戶

設有頭目且令善

拉雜族縣城西北六十里相連麻家族共三十戶設

有頭目札什且爾旦

麻家族縣城北四十里相連小巴的族共一十七戶

設有頭目班麻爾加

小巴的族縣城北五十里相連舊倉家族共三十戶
設有頭目官卓

舊倉家族縣城四十里相連新倉家族共二十戶設
有頭目化樹加

新倉家族縣城東北一百里相連大巴的族共九戶
設有頭目且令札什

大巴的族縣城東北四十里相連普爾雜族共四十
一戶設有頭

普爾雜族 哈爾加族 格寫爾族 阿喇族 卓

爾格族縣城東北六十里共六十四戶設有頭目
且爾加山安古爾

阿他族 賒家族 補牙族 素古族 班塘族縣

城東北九十里共八十一戶設有頭目巴麻山巴
麻

麻其族 菴觀族 阿南族縣城東北一百四十里
共七十五戶設有頭目拉可山那卜應

寫爾定族縣城東北一百六十里共三十戶設有頭
目拉爾思本 以上俱係北山番民

普化族縣城東南八十里相連工巴族共三十四戶
設有頭目南加多吉

工巴族縣城東南一百二十里相連千戶族共一十
六戶設有頭目羊爾加

千戶族縣城東南一百三十里相連古迭族共二十
八戶設有頭目巴噶且令

古迭族縣城東南一百三十五里相連冶爾吉族共
三十三戶設有頭目巴麻扎什

冶爾吉族縣城東南一百四十里相連如來族共二

十三戶設有頭目巴麻扎什

如來族縣城東南二百三十里相連鷲峰族共二十七戶設有頭目多爾吉且令

鷲峰族 廣會族縣城東南二百一十里相連洛巴族共四十三戶設有頭目嚴物爾件

洛巴族縣城東南二百一十五里相連紅山族共一十五戶設有頭目落格爾念

紅山族縣城東南二百二十里相連小西納族共九戶設有頭目吒唏噴

山西納族縣城東南二百七十里相連祁康哥族共
二十六戶設有頭目辛志增

祁康哥族縣城東南二百三十五里相連靜寧族共
一十三戶設有頭目隆有讓

靜寧族縣城東南二百四十里相連呂家堡共七戶
設有頭目喬貴南先格

郭爾莊 河爾洞莊 李家莊 西營莊 上下陰
陽莊縣城西南六十里俱係相連共七十六戶設

有頭目且巷拉夫旦

新莊 噶喇目臺子莊 喇爾干莊 縣城西南五十

里俱係相連共三十五戶設有頭目他娃旦

上帳房莊 下帳房莊 上營莊 下營莊 縣城西

南五十里俱係相連共五十三戶設有頭目阿窩

牙

狼營莊 斜營莊 塚巴營莊 上下角營莊 馬

圈莊 縣城南四十里俱係相連共四十七戶設有

頭目許之英

新莊 老官莊 聶家莊 縣城南三十里俱係相連

新莊 老官莊 聶家莊 縣城南三十里俱係相連

共三十九戶設有頭目梅成且令

都古營縣城南四十里相連洛巴莊共三十一戶設

有頭目扎什盆錯

洛巴溝 洒都營莊 中巴龍莊縣城南二十五里

俱係相連共五十一戶設有頭目公娃

上陰陽坡莊 下陰陽坡莊縣城東南三十里相連

共二十一戶設有頭目巴麻古六

大麥溝莊 谷代莊 吉藏莊 化家莊縣城東南

四十里相連共一百一十三戶設有頭目盆錯拉

爾旦

虎狼溝

青沿溝莊

麻尼莊

官家莊

寫經臺

古城臺

紅嶺莊

缺樹灣

何家山

山丹坡

上下大灣莊縣城東南五十里俱係相連共五十

一戶設有頭目禪師完卜 以上俱係南山番民

大通衛

乾隆二十六年裁衛改縣

大通川千戶曹通溫布所管六族內

隆旺族衛城東八十里共八十戶相連多隆族頭目

羅藏

興馬族衛城東九十里共九十八戶相連隆旺族頭
目加爾多

那楞族衛城東北一百二十里共二十戶相連向化
族頭目汗索南

向化族衛城東北一百二十里共一百戶相連歸化族
頭目化爾尼

歸化族衛城東北三十里共七十九戶相連新順族
頭目阿里班固

新順族衛城東北一百四十二里共一百戶相連大通城

頭目達爾汗卡

貴德所 郡屬各番族惟貴德所插帳番人內
有不甚馴良者今獨詳載以備考察

乾隆二十六年改

設西寧縣縣丞

東寧族新城正西五十里百戶昂哇所管番莊二十五處內

下排莊五十九戶二百二十口 張倉麻莊四十二

戶二百一十四口 加倉莊二十七戶一百一十

七口 扎木莊六十一戶二百八十六口 索賀

拉莊三十六戶一百九十六口 木指莊一百二

十五戶四百六十口 尾家六十二戶一百六十

五口 爾加倉三十戶一百口 爾線莊二十八

戶一百六十五口 思噶爾加四十六戶二百三

十二口 白牙噶六十七戶三百二十七口 思

寧額七十九戶三百一十六口 格爾加十戶三

十七口 沙溝係黑帳房番人二十八口 他受

番族不甚馴良所城正南一百里黑帳房二十五

座番人共九十一名山路險峻東至都受三十里

南至石山二十里西至完受三十里北至他思迭

四十里東西南北各三十里鄉約麻只格所管

揣咱族所城正東八十里百戶額爾克所管番族四處內

上下揣咱三十四戶一百四十七口都受族不甚
馴良所城正南一百二十里黑帳房四十座番人
共二百二十三名山路險峻東至剛咱五十里南
至石山十里西至他受三十里北至他思迭六十
里東西長三十里南北長四十里鄉約多只他兒
所管淵住族不甚馴良所城東南一百三十里
黑帳房八十座番人共四百八十名石山深林東

至保安三十里南至清水河保安地界四十里西
至剛咱多爾麻六十里北至三岔塘五十里東西
長六十里南北長五十里鄉約因滅所管 剛咱
族不甚馴良所城東南一百一十里黑帳房八十
座番人共二百五十口東至淵住六十里南至石
山四十里西至都受五十里北至三岔塘三十里
東西長六十里南北長四十里鄉約多爾麻所管
剛咱有完的哈者一族尤悍所城東南一百四十
里黑帳房三十五座番人共一百一十二口深山

大林極其險隘東至淵住二十五里南至保安地
界西北至剛咱多爾麻各三十里周回二十餘里
三岔塘族所城東南九十里係黑帳房番人共九十
五名相連剛咱揣咱二族百長年克善所管

拉安族所城西南一百里百長巴力幹所管番族三
處內

上拉安族係黑帳房相連下拉安族番人共六十一
戶四百五十口 上拉安內有卓色一族不甚馴
良所城西南一百里黑帳房二十五座番人共五

十名相連完受他思迭他受三族東西長十里南
北長二十五里 下拉安族所城正西六十里係
黑帳房相連東車上拉安二族番人共二百六十
名 完受族不甚馴良所城西南一百一十里係
黑帳房番人共一百八十九名相連他受拉安二
族自南至北長二十里自東至西長二十五里鄉
約他爾巴尚所管

堪卜拉族所城東一百一十里外委百戶策旺敦住
所管番莊八處內

爾見共二十八戶七十口 俺卽共二十五戶八十

口 實濟力共三十八戶一百一十三口 色克

共二十五戶七十五口 完加哥十八戶五十五

口 邦左十六戶四十五口 奴布共四十一戶

一百二十四口 完列十戶三十一口

爾剛哇族所城東南一百八十里百戶揣只格所管

番莊六處內

爾剛哇共九十戶四百一十二口 什家加共七十

一戶二百一十五口 安仲共五十二戶二百四

十口 沙思定共四十二戶一百六十五口 思
我加共十五戶五十九口 爾多冷共一十七戶
六十五口

攬角族所城東南二十里至七八十里不等係揣咱
百戶額爾克所管番莊十處內

阿什工共八戶二十九口 思達六共三十四戶一
百五十一口 爾捐共二十八戶一百三口 米

家共二十戶九十口 革咱共十三戶四十一口
以上係上攬角地方 沙加莊共四十戶一百五

十三口 喇咱共十五戶六十三口 哈加共二

十戶六十九口 阿冷共十七戶五十八口 且

冷莊共十三戶五十口以上係下攬角地方

思囊拉族所城東南二百八十里舊係百戶額爾克

所管因與百長年克善等仇殺思囊拉族不服約

東經西寧道楊應琚總鎮李如柏飭委外委百戶

納剛南木加暫管番莊七處內

思囊拉共六十四戶二百二十七口 別咱莊共二

十一戶七十七口 洛課莊共二百七戶一百八

口必波車共十五戶七十七口
波寨共十五
戶五十六口
牙莫共四十五戶一百六十三口
阿哥勒共十二戶六十口

上工巴族所城東南四十里百戶教住所管番莊六

處內

王麻莊共三十三戶一百一十七口
阿失貢共三

十二戶一百七口
龍臥莊共三十三戶一百六

十口
巴宗莊共二十九戶一百二口
納受共

八戶三十三口
隆藏共四十四戶一百五十四

口

下工巴族所城東南二十里至七八十里不等百戶

阿旺扎什所管番莊一十七處內

思哈哇莊共四十三戶二百三十五口 答他兒共

十三戶一百七口 莫爾地共八戶四十二口

牙喀雄共十戶六十二口 巴爾古共十戶五十

九口 巴色爾共十一戶七十五口 甘巴共十

一戶七十九口 黎傻布共五戶三十一口 克

家布共七戶五十一口 霍璞共二十五戶一百

七十九口 郭巴六共二十一戶一百四十一口
莫約共十三戶九十八口 爾角共十七戶一百
一十九口 扎切拉共十戶六十九口 傻爾加
工麻共十三戶六十六口 色爾加舒麻共十三
戶六十七口 色爾古共十三戶六十八口

思哈哇有他思迭一族不甚馴良所城正南六十
里係黑帳房番人共九十名相連都受上拉安卓
色二族自東至西自南至北各二十里鄉約拉十

旦所管

巴李族所城正東二百二十里共二十八戶七十
一口百長藍占巴所管

塞外貢馬番族

玉樹納克書等處番人三十八族 共八千三百四

戶 住牧東提地方阿里克族郡城南七十餘里

百戶二名百長九名番人九百二十九戶 住牧

扎苦地方維熙葉布族距阿里克四百餘里百戶

一名百長一名番人一百二十二戶 住牧蒙古

爾津地方蒙古爾津族距雍熙葉布族五百餘里

百戶一名百長四名番人三百八十戶 住牧楚
貢地方多洛尼托克南兔族百戶一名百長一名
番人一百一十二戶 住牧多洛尼托克地方阿
薩克族百長一名番人三十九戶 住牧多洛尼
托克地方列玉族百長一名番人四十六戶 住
牧多洛尼克地方阿求族百長一名番人七十八
戶 住牧多洛尼克地方葉爾吉族百長一名番
人四十四戶 住牧多洛尼克地方拉爾吉族百
長一名番人三十三戶 住牧多洛尼克地方典

巴族百長一名番人三十戶 以上七族距蒙古
爾津族三百餘里 住牧蒲肚克地方尼牙木錯
族距多洛尼托克七族三百餘里百戶一名百長
四名番人二百八十七戶 住牧苦苦烏素地方
玉樹族距尼牙木錯族三百餘里百戶一名百長
十一名番人五百四戶 住牧途胡爾托羅海地
方噶爾布族即在玉樹族界內百長一名番人二
十一戶 住牧烏哈那哈地方白利族距玉樹族
四百餘里百長一名番人五十五戶 住牧登破

地方格爾吉三族距白利族四百餘里百戶三名
百長六名番人八百三十戶 住牧角木丹莫多
地方洞巴族距格爾吉族三百餘里百戶一名百
長二名番人八十戶 住牧三木冲地方蘇魯克
族距洞巴族一百餘里百戶一名百長一名番人
一百三戶 住牧魯爾扎地方固察族距蒙古爾
津族二百餘里百戶一名百長一名番人一百六
十二戶 住牧阿拉尼克地方隆布族距固察族
一百六十餘里百長三名番人二百一十三戶

住牧上隆布族距阿拉尼克隆布族三百餘里百
長一名番人七十六戶 住牧倫多布領地方扎
武族百戶一名百長三名番人三百四戶 住牧
扎爾通地方扎武族百戶一名百長二名番人一
百五十二戶 住牧下扎武族百戶一名百長二
名番人一百四十七戶 以上三族俱距上隆布
族一百餘里 住牧扎武班石族卽在扎武族界
內百長一名番人一十三戶 住牧達爾熊地方
上阿拉克碩族百長三名番人一百三十三戶

塞外貢馬番族

住牧接聚地方下阿拉克碩族百戶一名百長三名番人三百五戶 以上二族俱距扎武族一百餘里 住牧吉獨忒地方下隆琪族距扎武族二百餘里百戶一名百長一名番人一百四十九戶

住牧吉戎地方上隆琪族距下隆琪族一百餘里百戶一名百長二名番人一百五十四戶 住

牧蘇爾奔地方蘇爾奔族距阿拉克碩族一百餘

里百戶一名百長三名番人三百五十戶 住牧

奇可地方巴彥南稱七族距蘇爾奔五百餘里千

戶一名百長二十名番人二千五十戶 住牧匣
烏地方稱多族百戶一名百長四名番人三百七
十三戶 住牧東勒孫何地方哈爾受族百長一
名番人三十戶

暫隸西藏管轄納克書貢巴族等三十九族 共四
千八百八十九戶原議俟駐藏大臣撤回之時所
有該族貢馬銀兩令赴西寧交納

...

...

...

...

...

...

...

...

西寧府新志卷之二十

武備志

遼海楊應琚佩之撰次

西寧府

明塞外四衛

安定衛 在西寧西北甘州西南漢爲婁羌唐爲吐蕃地元封宗室卜烟帖木兒爲寧王鎮之其地本名撒里畏兀兒廣袤千里東近罕東北邇沙州南接西番居無城郭以氊帳爲廬舍產駝馬牛羊洪武二年遣使持詔招諭七年六月卜烟帖木兒使

其府尉麻荅兒等來朝貢鎧甲刀劍諸物太祖喜
晏賚其使者遣官厚賚其王而分其地爲阿端阿
真若先帖里四部各錫以印明年正月其王遣傳
卜顏不花來貢上元所授金銀字牌請置安定阿
端二衛從之乃封卜烟帖木兒爲安定王以其部
人沙刺等爲指揮九年命前廣東叅政鄭九成等
使其地賚王及其部人衣幣明年王爲沙刺所弑
王子板咱失里復讐誅沙刺沙刺部將復殺王子
部內大亂番將多兒只巴叛走沙漠經安定大肆

殺掠奪其印去其衆益衰二十五年藍玉西征徇
阿真川土酋司徒哈答等懼逃匿山谷不敢出及
肅王之國甘州遣僧謁王乞授官以安部衆王爲
奏請帝許之二十九年命行人陳誠至其地復立
安定衛其酋長哈孩虎都魯等五十八人悉授指
揮千百戶等官誠還酋長隨之入朝貢馬謝恩帝
厚賚之復命中官齎銀幣往賜永樂元年遣官齎
敕撫諭撒里諸部明年安定頭目多來朝擢千戶
三卽等三人爲指揮餘事餘授官有差并賜本衛

指揮同知哈三等銀幣未幾指揮朶兒只朶來朝
願納差發馬五百匹命河州衛指揮康壽往受之
壽言罕東必里諸衛納馬其直皆河州軍民運茶
與之今安定遼遠運茶甚難乞給以布帛帝曰諸
番市馬用茶已著爲例今姑從所請後仍給茶於
是定制上馬給布帛各二疋以下遞減三年哈三
等遣使來貢奏舉頭目撒力加藏卜等爲指揮等
官且請歲納孳畜什一並從之四年徙駐苦兒丁
之地初安定王之被殺也其子撒兒只失加爲其

兄所殺部衆潰散子亦攀丹流寓靈藏十一年五月率衆入朝自陳家難乞授職帝念其祖率先歸附令襲封安定王賜印誥自是朝貢不輟二十二年中官喬來喜鄧誠使烏斯藏次畢力朮江黃羊川安定指揮哈三孫散哥及曲先指揮散卽思等率衆邀劫之殺朝使盡奪駝馬幣物而去仁宗大怒勅都指揮李英偕康壽等討之英等率西寧諸衛軍及隆奔國師賈失兒藍藏等十二番族之衆深入追賊賊遠遁英等踰崑崙山西行數百里抵

雅令濶之地遇安定賊擊敗之斬首四百八十餘
級生禽七十餘人獲駝馬牛十四萬有奇曲先聞
風遠竄追之不及而還英以此封會寧伯壽等皆
進秩大軍旣旋指揮哈三等懼罪不敢還故地宣
德元年帝遣官招諭之復業者七百餘人帝並賜
綵幣表裏以安其反側三年春賜安定及曲先衛
指揮等官五十三人誥命初大軍之討賊也安定
指揮桑哥與罕東衛軍同奉調從征罕東違令不
至其所轄板納族瞰桑哥軍遠出盡掠其部內廬

帳畜產事聞降勅切責令速歸所掠違命則發兵
進討已進桑哥都指揮僉事正統元年遣官齎敕
諭安定王及桑哥曰我祖宗時爾等順天命尊朝
廷輸誠効力始終不替朝廷恩賚亦久而弗渝肆
朕嗣位爾等復遵朝命約東部下良用爾嘉茲特
遣官往諭朕意賜以幣帛宜益順天心篤忠誠保
境睦鄰永享太平之福三年桑哥卒其子那南奔
嗣職九年那南奔率衆掠曲先人畜朝廷遣官諭
還之不奉命反劫其行李帝怒勅責安定王追理

王既奉命又陳詞乞憐帝乃宥之諭以保國睦鄰
之義十一年冬亦攀丹卒子領古幹些兒襲時王
年幼叔父指揮同知輟思泰巴佐理國事其同儕
多不相下王遣之入朝奏請量加一秩乃擢都指
揮僉事歷景泰天順成化三朝頗入貢洪治三年
領古幹些兒卒子千奔襲賜齋糧麻布諭祭其父
先是哈密忠順王卒無子廷議安定王與之同祖
遣官擇一人爲其後安定王不許至是訪求陝巴
於安定冊爲忠順王命千奔追送家屬千奔怒曰

陝巴不應嗣王爵爵應歸綽爾加綽爾加者千奔
弟也且邀厚賞兵部言陝巴實忠順王之孫素爲
國人所服前哈密無主遣使取應立者綽爾加自
知力弱不肯往今事定之後乃爾反覆所言不可
從陝巴迄得立然千奔以立非已意後哈密數被
寇竟不應援十七年率衆侵沙州大掠而去正德
時蒙古大酋亦不剌阿爾禿廝侵據西海縱掠鄰
境安定遂殘破部衆散亡僅存餘孽江纏爾加等
僧俗四十有奇徙居西寧沙棠川威遠城東歲輸

馬一十有奇

阿端衛在撒里畏兀兒之地洪武八年置後爲朶
兒只巴殘破其衛遂廢永樂四年冬酋長小薛忽
魯札等來朝貢方物請復置衛設官從之卽授小
薛等爲指揮僉事洪熙時曲先首散卽思邀劫朝
使脅阿端指揮鎖魯丹偕行已大軍出征鎖魯丹
懼率部衆遠竄失其印宣德初遣使招撫鎖魯丹
猶不敢歸依曲先雜處六年春西寧都督史昭言
曲先衛真只罕等本別一部因其父助散卽思爲

逆竄處畢力木江其地當烏斯藏孔道恐復爲亂
宜討之帝敕昭曰殘寇窮迫無地自容宜遣人宥
其罪令復故業於是真只罕率所部還居帖兒谷
舊地明年正月入朝天子喜授指揮同知令掌衛
事以指揮僉事卜荅兀副之真只罕因言阿端故
城在回回境去帖兒谷尚一月程朝貢艱乞移本
土爲便天子從其請仍給以印賜璽書撫慰之迄
正統朝數入貢後不知所終其時西域地亦有名
阿端者貢道從哈密入與此爲兩地云

曲先衛 在西寧西北肅州西南東接安定古西戎
漢西羌唐吐蕃元設曲先荅林元帥府洪武時酋
長入貢命設曲先衛官其人爲指揮後遭朵兒只
巴之亂部衆竄亡併入安定衛居阿真之地永樂
四年安定指揮哈三散卽思三卽等奏安定曲先
本二衛後合爲一 比遭土番把禿侵擾不獲寧居
乞仍分爲二復先朝舊制從之卽令三卽爲指揮
便掌衛事散卽思副之又從其請徙治藥王淮之
地自是屢入貢洪熙時散卽思偕安定部首劫殺

朝使已大軍往討散卽思率衆遠遁不敢還故土
宣德初天子赦其罪遣都指揮陳通等往招撫復
業者四萬二千餘帳乃遣指揮失剌罕等入朝謝
罪貢駝馬待之如初尋擢散卽思都指揮同知其
僚屬悉進官給以誥命五年六月朝使自西域還
言散卽思數率部衆邀劫往來貢使梗塞道途天
子怒命都督史昭爲大將率左右叅將趙安王或
及中官王安王瑾督西寧諸衛軍及安定罕東之
衆往征之昭等兵至其地散卽思先遁其黨脫脫

不花等迎敵諸將縱兵擊之殺傷甚衆生禽脫脫
不花及男婦三百四十餘人獲駝馬牛羊三十四
萬有奇自是西番震懾散卽思素狡悍天子宥其
罪仍怙惡不悛至是人畜多損失乃悔懼明年四
月遣其弟副千戶堅都等四人貢馬請罪復待之
如初令還居故地并歸其俘七年其指揮那那罕
言往者安定之兵從討曲先臣二女四弟及指揮
桑哥等家屬被掠者五百人今散卽思已蒙赦宥
而臣等親屬猶未還望聖明垂憐天子得奏惻然

語大臣曰朕常以用兵爲戒正恐濫及無辜彼不自言何由知之卽敕安定王亦攀丹等悉歸所掠其年散卽思卒命其子都力嗣職賜敕勉之十年
擢那那罕都指揮僉事其僚屬進職者八十九人
正統七年遣使貢玉石成化時土魯番強被其侵
掠洪治中安定王子陝巴居曲先廷議哈密無主
逆爲忠順三正德七年蒙古酋阿爾禿廝亦不剌
竄居青海曲先爲所蹂躪部族竄徙其衛遂亡
松門楊氏曰按明初設安定阿端曲先罕東赤斤沙

州諸衛給之金牌令歲以馬易茶謂之差發沙州赤斤隸肅州餘悉隸西寧稱塞外四衛第查罕東衛在赤斤南漢燉煌郡地也卽今之安西應入安西志寧郡不得攬而有也故不載時甘州西南西寧西北盡皆番族受邊臣羈絡惟北面防寇後諸衛盡亡亦不刺等據青海土魯番復據哈密逼處闕外諸衛遷徙之衆環列肘腋獷悍難馴於是河西外防大寇內防諸番兵事日亟矣哉

朝拓境直至伊吾凡此一帶羌戎悉有分地諸番皆內

附諸戎皆守土莫不率俾內外又安可謂得制禦之
要道也

青海

青海卽西海在湟中西海面有七百餘里爲衆水會
歸之所故海岸東西南北皆有水泉厥草豐美宜畜
牧素號樂土漢武帝元狩六年先零與封養牢姐種
解仇結盟與匈奴通合兵攻令居塞帝遣將軍李息
郎中徐自爲擊平之羌乃去湟中依西海鹽池左右
始爲羌所據平帝元始四年時王莽秉政諷羌獻西

海之地置西海郡而築五縣徙天下犯禁者處之周

海亭燧相望莽篡政紛亂郡亦廢棄和帝永元十四

年時西海無復羌寇喻糜相曹鳳上言燒當諸種衰

內遠依發羌宜及此時建復西海郡從之嗣復爲羌

所據晉時呂光徙西海郡人於諸郡尋徙樂都南北

朔隸吐谷渾後魏孝文帝太和四年拜吐谷渾伏連

璽壽爲西海郡公孝明帝正光三年以高車國主覆羅

伊訶爲西海郡公隋煬帝大業五年至西平陳兵講

武命內史元壽等圍吐谷渾於袁覆川伏允遠遁置

西海河源等郡秋七月置馬牧於青海求龍種唐太
宗貞觀八年鄯州刺史李玄運表吐谷渾牧馬青海
經兵掩之可盡致乃命段志元等擊之夷覺驅馬走
豈得牛羊二萬而還九年以李靖爲青海道行軍大
總管率侯君集等伐吐谷渾大破之高宗龍朔三年
吐蕃攻吐谷渾詔鄭仁泰救之乾封元年吐谷渾慕
容賢爲青海國王時吐蕃漸強青海爲其所有鄯州
都督李敬元與吐蕃戰於青海敗績永隆二年吐蕃
驍婆屯青海河源道經畧大使黑齒常之襲破之元

宗時節度使王君奩王忠嗣等屢破吐蕃於青海後
五代以至宋元爲唃廝羅等所據號爲西番故有西
番都護之官焉明正德四年蒙古部首亦不剌阿爾
禿廝擁衆西奔瞰知青海饒富襲而據之破安定四
衛番人多遠徙其畱者反爲所役屬自是西寧有海
寇之患九年總制彭澤集諸道軍將搆其巢寇訶知
之由河州渡黃河奔四川出松潘茂州境直走烏斯
藏及大軍引還則仍返海上惟阿爾禿廝遁去嘉靖
二年尚書金獻民西征議遣官招撫許爲藩臣如先

朝設安定曲先諸衛故事兵部行總制楊一清計度
一清意在征討言寇精騎不過二三千餘皆脅從番
人然怨之入骨時欲報讐可用爲間諜大舉勦絕議
未定王憲王瓊相繼來代皆以兵寡餉訕議竟不行
八年洮岷諸番數犯內地樞臣李承勳言番爲海寇
所侵日益內徙倘二寇交通何以善後昔趙充國不
戰而服羌段熲殺羌百萬而內地虛耗兩者相去遠
矣乞廣先帝之明專充國之任制置方畧悉聽瓊便
宜從事瓊乃集衆議且勦且撫先遣總兵官劉文游

擊彭械分布士馬明年二月自固原進至洮岷遣人
開示禍福洮岷各番族皆聽撫惟岷州東路若籠族
西路板爾等十五族及岷州刺卽等五族恃險不服
乃分兵先攻若籠板爾二族覆其巢卽刺諸族震懼
乞降凡斬首二百六十餘級撫定七十餘族乃班師
自是洮岷獲寧而西寧仍苦寇患十一年甘肅巡撫
趙載等言亦不剌據海上已二十餘年其黨卜兒孩
獨傾心向化求帖木哥等屬番來納款宜因而撫之
或俾之納馬或令其遣質或授官給印建立衛所爲

我藩籬於計爲使疏前上會河套首吉囊引衆西掠
大破亦不剌營收其部落大半而去惟卜兒孩一枝
歛衆自保由是西寧亦獲休息而納款之議竟寢及
唐龍爲總制寇南掠松潘龍慮其回巢與諸番及他
部勾通爲患奏行甘肅守臣繕兵積粟爲殄滅計及
龍去事亦不行二十年正月卜兒孩獻金牌良馬求
款兵部言寇果輸誠通貢誠西陲大利乃止獻馬及
金牌未有如往歲遣子入侍酋長入朝之請未可遽
許宜令督撫臣偵察情實並條制馭之策以聞報可

會寇勢漸衰番人亦漸復業其議復寢時北部俺荅
猖獗歲掠宣大諸鎮又羨青海富饒三十八年攜子
賓兔丙兔等數萬衆襲據其地卜兒孩竄走遂縱掠
諸番至四十年以中濕腫足而歸爾賓兔據松山丙
兔據青海西寧亦被其患隆慶中俺荅受封順義王
修貢惟謹二子亦斂戢時烏思藏僧有稱活佛者諸
部多奉其教丙兔乃以焚修爲名請建寺青海及嘉
峪關外爲久居計廷臣多言不可許禮官言彼已採
木興工而令改建於他所勢所不能莫若因而葺之

以鼓其善心而杜其關外之請况中國之禦戎惟在邊關之有備戎之順逆亦不在一寺之遠近帝許之丙兔既得請又近脅番人使通道松潘以迎活佛四川守臣懼逼乞令俺荅約束其子毋擾鄰境俺荅言丙兔止因甘肅不許開市寧夏又道遠艱難雖有禁令不能盡制宜大總督方逢時亦言開市爲便帝以責陝西督撫督撫不敢違萬歷二年冬許丙兔市於甘肅賓兔市於莊浪歲一次既而寺成賜額仰華先是亦不剌之據青海邊臣猶以外寇視之至是以俺

西寧府志卷之二十一
三
峇故竟視若屬番諸酋亦以父受王封尚不敢大爲
邊患自丙兔據青海有切盡台吉者河套吉能從子
俺峇從孫也從之而西屢掠番人不得志邀俺峇往
助俺峇雅欲侵瓦刺乃假迎活佛名擁衆西行疏請
授丙兔都督賜金印且開茶市部議不許但稍給以
茶俺峇旣抵瓦刺戰敗而還乃移書甘肅守臣乞假
道赴烏思藏守臣不能拒遂越甘肅而南會諸酋於
海上番人益遭蹂躪多竄徙八年春始以活佛言東
還而切盡弟火落赤及俺峇庶兄子永邵卜遂畱居

青海不去八月丙免率衆掠番並內地人畜詔絕其
市賞俺荅聞之馳書切責乃盡還所掠執獻爲惡者
六人自罰牛羊七百帝嘉其父恭順賚之銀幣卽以
牛羊賜其部人爲惡者付之自治仍許貢市俺荅益
感德而火落赤侵掠番族不休守臣檄切盡台吉約
束之亦引罪輸服及俺荅卒傳至孫拉力克勢輕不
能制諸酋十六年九月瓦剌他卜囊部衆有闖入西
寧者副總兵李奎方被酒躍馬而前部衆控鞍欲懇
奎拔刀斫之衆遂射奎死及千把總指揮八員領兵

官四十餘員全軍覆沒守臣不能討遣使詰責但獻
首惡還人畜而止以故無所憚愈肆侵盜時丙兔及
切盡台吉亦皆死丙兔子真相移駐莽刺川火落赤
移駐捏工川逼近西寧日蠶食番族折而爲寇用拉
力克又西行助之十八年六月入舊洮州副總兵李
聯芳率三千人禦之盡覆七月復深入大掠河州臨
洮渭源總兵官劉承嗣與游擊孟孝臣各將一軍禦
之皆敗績游擊李芳等死焉西陲大震事聞命尚書
鄭洛出經畧洛前督宣大軍撫順義王及忠順夫人

有恩遣使趣拉力克東歸而大布招番之令來者率
善遇之自是歸附者不絕火真二酋自知罪重又聞
泰酋卜失兔來助大敗於水泉口拉力克復將還巢
始懼徙帳去留其黨可卜兔等於莽刺川明年總兵
官尤繼先破走之洛更進兵青海焚仰華寺逐其餘
衆而還番人復業者至八萬餘人西陲暫獲休息已
復聚於青海其種類有火落赤真相台吉納刺台吉
沙刺台吉哈壇把都兒南把兔兒台吉著力兔等與
永邵卜瓦刺他卜囊部落蟠聚雜處二十三年增設

臨洮總兵官以劉綎任之未幾瓦剌他卜囊犯南川
兵備副使劉敏寬叅將達雲大破之已連納刺諸酋
犯西川巡撫田樂率敏寬達雲又擊破之明年諸酋
復掠番族將窺內地綎部將周國柱禦之莽刺川又
大破之自是屢入鈔掠因兵備副使劉敏寬叅將達
雲同知龍膺通判高第文武協衷有智有勇恤兵籌
餉不遺餘力故不能大得志崇正十六年冬李自成
遣將陷甘州獨西寧不下賊將辛恩忠攻破之遂進
掠青海諸酋多降附而明室亦亡

皇清定鼎燕京有厄魯忒固始汗者青海沿邊直抵西藏
皆爲其所有聞

天威赫奕遂稽首歸命其餘喀爾喀 圖爾古忒 準噶爾

灰忒俱係流居青海共蒙古五種後支派漸分總名
十八家其白塔貴德郭密拉科及玉樹納克書遠近
各番俱屬青海分轄歲納添巴居雜諸羌密邇甘涼
聖祖仁皇帝每廕於懷旣

親統六師平定朔漠青海部落扎什巴兔爾等震聳康熙四

十一年因沛

殊恩命刺麻商南多爾智招撫內附封固始汗子孫羅布藏
丹津爲親王其餘亦授以貝勒貝子公台吉等職歲
支俸銀赴京闕領卽以刺麻商南多爾智住寧撫理
夷情後郎中二郎保員外郎馬爾漢精郎常壽相繼
辦理至雍正元年羅布藏丹津以青海蒙古有拂其
意者輒自征伐侍郎常壽奉

命解和而羅布藏丹津違背是時鄰正代青和碩氣見其

鋒銳難禦奔赴河州

特命頭等侍衛達鼐迎赴河州招撫其貝勒額爾得尼厄爾

克托克柰貝子索諾木達什公噶爾旦達什奔赴甘
州羅布藏丹津與同黨阿拉克諾木齊 阿爾布坦
溫布 藏巴扎布等益肆猖狂是年九月

世宗憲皇帝命川陝總督年羹堯來寧以觀形勢十月羅布
藏丹津迫脅各蒙古暨內外諸番侵犯南北西三川
焚虜村堡是時各族番人大寺刺麻亦有蠢動者遂
授羹堯爲撫遠大將軍徵調川陝官兵聲罪致討以是年
十月師始出塞自冬涉春屢破其衆凡同叛之部落
戈鋌所指應時摧敗招降數十萬衆又降其貝勒貝

子公台吉等二十餘人

上猶憫其蠢愚若悔禍思愆束手來歸許其全宥乃怙惡不
悛負險抗違故始決翦滅之計以方畧

密付大將軍羹堯調度軍謀簡稽將士用四川提督岳鍾
琪爲奮威將軍令頭等侍衛達鼐自河至寧委以隨
征兵部兼議政大臣率西寧總兵官黃喜林於仲春
初旬禡牙徂征分道深入搗其窟穴電掃風驅搜剔
巖阻賊徒蒼黃糜潰窮蹙失據直至哈嗎爾打坂漢
羅布藏丹津之母及逆謀渠魁丹津紅台吉等悉就

俘執禽獲賊衆累萬招徠二十三家台吉策令那木
扎爾等所得牲畜軍械不可數計賊首羅布藏丹津
逃遁準噶爾地方我師踰險窮追獲其輜重人口殆
盡自二月八日至二十有二日僅旬有五日本清西
徼三月之朔奏凱旋旅四月十有二日以倡逆之吹
拉克諾木齊等三人獻俘

廟

社於是內外羌戎咸以手加額誠服我

世宗憲皇帝之神謀遠畧也又經羹堯條奏青海蒙古宜照

喀爾喀之例分其旗分編爲佐領各管各屬定有分
界而原屬番人勿許管轄另行安插使權不歸一去
其羽翼因

命理藩院侍郎鄂賚公同副都統達鼐於雍正三年出口振
賞窮乏分編佐領查明青海蒙古乃二十九家卽分
爲二十九旗每旗設協理台吉一員管旗章京副章
京叅領各一員按戶口之多寡以百五十戶爲一佐
領共佐領一百一十四箇半每佐領設佐領一員驍
騎校一員二十九旗扎薩克王貝勒貝子公台吉俱

係世職頒授印信冊誥其協理台吉一職引

見補授又經副都統達鼐 奏准各扎薩克憲書俸級由京

解寧支散俸銀在寧支領各扎薩克分爲四班每年

元旦朝

覲週而復始併定以總理青海大臣每年出口會集各扎薩

克會盟一次不得自相會集是年副都統達鼐加銜

散秩大臣歲給養廉銀一千五百兩辦理青海諸務

雍正四年會同西寧總兵官周開捷安插西寧河洮

各番族每族委一百戶歸地方文武管轄田畝陞科

雍正五年會同總兵官周開捷條議以沿邊各寺族
刺麻有名國師禪師者名目不合宜收前明各敕印
換給僧綱都綱職銜議給衣單口糧其原管番族歸
州縣管理原徵香糧歸作正賦雍正六年準噶爾賊
夷侵犯噶斯卡倫散秩大臣達鼐卽於除日出口統
綠旗蒙古官兵追勦直抵噶斯禽獲準噶爾遺賊盆
素克收其陣亡官兵骨殖尚欲進追旋奉

命不必深入遵卽撤回嗣築烏木漢城西寧正西一千二百

餘里駐兵遠斥候雍正九年準噶爾侵犯西北兩路

軍營

命侍郎衆佛保統兵萬人防範青海佛保以供支費繁

奏用三千人可以堵禦時青海扎薩克鎮國公拉插布
孔薩克台吉插罕阿拉布坦各帶部屬潛逃散秩大
臣達鼐輕騎追至木魯烏素捐備糧餉調集彼地番
人招撫而插罕阿拉布坦之子拒捕被殺其拉插布
插罕阿拉布坦就撫解部蒙

聖慈寬其罪愆追奪公誥降爲庶人交伊叔親王代青和碩
氣管東伊子降襲扎薩克台吉台吉插罕阿拉布坦

在京病故遺職族姪蒙替散秩大臣達鼐蒙

恩獎勵賞三千金是年六月虜寇克台吉諾爾布派住滕蓋

里卡倫自彼謀叛帶屬蒙古搶劫滿兵馬匹殺傷

馬廠滿兵及築城夫役青海扎薩克內亦有感動者

沿途各臺兵驚散亦有被傷者侍郎衆佛保馳至扎

海蘇台安撫各蒙古整理臺站文報始通諾爾布聞

知散秩大臣達鼐禽獲拉插布將抵青海遂棄戈潛

遁經副都統格梅爾派兵禽獲送京訊明解寧正法

遺職伊弟色特爾布木襲替

國家恩威並濟邇來恭順安靜每旗編佐領不等共設
佐領一百四箇半每佐領一箇設有壯丁一百五十
名不計戶口共壯丁一萬五千六百七十五名其扎

薩克王公台吉或遠或近皆在青海之四面聯絡住

牧如公巴且令 台吉達克 扎薩克刺麻吹達克

三旗住牧青海之正東親王汪楚克 公貢格 達

什納木扎爾 台吉吉克吉扎布 汪楚克阿里布

坦 達爾吉 色特爾布木等七旗俱住牧青海之

東南郡王策令阿拉布坦 額爾得尼厄爾克托克

托彙 貝勒達什且令 台吉小策令 達什敦多

布 沙拉 額爾德尼吉濃丹仲等七旗皆住牧青

海之正南公丹盡一旗住牧青海之西南貝子索諾

木達什 公策令納木扎爾 台吉哈爾噶斯 策

令多爾吉 巴爾當 恭布等六旗皆住牧青海之

正西 郡王滾楚克達什 台吉達麻林色卜滕二

旗住牧青海之西北 貝子丹巴 公羅卜藏插漢

滾楚克扎布三旗俱住牧青海之正北蓋漢時謂

之西海唐時謂之青海蒙古謂之苦若諾兒此青海

古今沿革我

朝措置之大畧也

百

青

五

西寧府新志卷之二十一

武備志

西寧府

西藏

北與青海接壤有事則用寧兵
余按款詳識庶後來者有考焉

藏地於天官井鬼之分野也歷為圖伯特國諸史多
未及載考其地即西吐蕃也唐孝德皇帝於大詔寺
立有甥舅聯姻碑記元世祖以其地之大刺麻八思
巴為大寶法王賜玉印前明為烏斯藏又稱為康衛
藏康即今之又木多衛即今之西藏藏即今之後藏

扎什隆布總謂之唐古忒其唐公主所下嫁者為蘇
 隆藏干布其祖為納禮布乃額勒特莽固禮之後馬
 克扎巴之子傳數世至蘇隆藏干布其勢始大併西
 番地內附於唐又納白布國王之女為妾唐公主好
 善修大小二詔藏寺也築城於布達拉為宮室藏地五里世
 有刺麻宗持黃教為羌戎康巴藏衛崇奉之至尊至
 我

朝

太宗文皇帝崇德七年後藏班禪刺麻前藏達賴刺麻藏王

固始汗謂東土有

聖人出遣使達盛京繞路潛行數年始至諺云一刺麻能世

世轉生

聖朝定鼎第五輩達賴刺麻入

覲頒給達賴刺麻冊寶固始汗子孫拉藏汗方印一顆其印係翊

法恭順汗之印清字篆古字漢字三樣篆文管理唐古忒地方事務後被

準噶爾澤旺阿拉布坦妄生事端遣車令敦多布率

領人眾滅壞達賴刺麻黃教拆毀寺廟屠戮生靈侵

據西藏地方將拉藏汗之印奪與附逆之達則磔巴

西寧府志 卷二十一 兵防
掌理亦呼爲汗迨達賴刺麻轉生裏塘移駐西寧塔
兒寺後仰蒙

聖祖仁皇帝命撫遠大將軍王平逆將軍延信來寧統領陝
西滿漢官兵護送達賴刺麻自塔兒寺起程進藏征
討又

命定西將軍噶爾弼等統領荊州滿兵四川綠旗官兵由巴
裏二塘一路招撫進藏又

副都統伍格帶江浙滿兵至滇會合雲南鶴麗總兵官趙
坤援勦副將郝玉麟等官兵由中甸一路進藏準噶

爾賊衆聞我軍遠至心膽墮地遁回巢穴西藏各酋
長咸凜

天威分迎師旅俱於五十九年八月內抵藏地九月初六日
送達賴刺麻上布達拉山大殿坐牀重興法教藏衛
人民始得咸登衽席隨擒附逆之達則磔巴等正法
議留川滇官兵鎮守兩路將軍凱奏赴川回

京復

命封西藏噶隆等官爵雍正元年

勅封阿里康吉鼐爲貝子頗羅鼐等二名爲台吉二年

欽頒達賴刺麻金冊金寶

印係西天自在佛總理天下釋教普通日赤拉坦喇達賴刺麻

之印清字蒙古字漢字唐古忒字四樣篆文

鐫立

聖祖仁皇帝御製平定西藏碑記五年西藏公隆布奈等謀

逆殺死管藏之貝子康吉魯六年

世宗憲皇帝命左都御史查郎阿護軍統領邁祿西寧鎮總

兵官周開捷副之統領陝西官兵由西寧一路進討

鑾儀使周瑛統領川省官兵由霍耳一路進討鶴麗

鎮總兵官南天祥率領雲南官兵由昌都一路進討

軍聲遠震於是台吉頗羅蘇糾合後藏阿里扎什隆

布等地番戎兵二十餘衆直擣前藏擒獲阿爾布巴等

欽差公同審實於九月之晦誅於布達拉之前西藏復安
卽以台吉頗羅鼐爲扎薩克台吉管理前後藏事務
十一月自藏遷達賴刺麻於裏塘自是

命大臣統兵在藏鎮守七年

敕封頗羅鼐爲固山貝子八年正月又自裏塘遷達賴刺
麻於噶達

敕建惠遠廟坐牀九年加封頗羅鼐爲貝勒伊長子扎什

朗結爲公爵後爲刺麻次子珠彌納木劄號達賴巴
兔兒爲台吉准其朝貢十三年送達賴刺麻回藏坐
牀乾隆五年

欽差護軍統領殷扎納齋印晉封頗羅鼐爲郡王十一年
封珠彌納木劄爲長子

疆域 在西寧南三千六百七十里成都西南六千
四百七十五里東至寧靜夕松工二山交巴塘界
西至阿里交拉丹界三千二百里通準噶爾要隘
南至奕爾交洛壩生番界北至木魯烏蘇噶爾藏

胡又交青海番族界

形勢 環山拱合為勢百源積流成江

山川

布達拉山

在藏西約高百餘丈詳古蹟

甲里必洞

與布達拉山相

連約高九十餘丈詳古蹟 牛魔山

在西藏南約高三百餘丈每歲正月達賴刺麻下山詣大

詔寺謁佛登臺集各寺大小刺麻三萬六千衆或

三千六百衆諷經二十日事竣迎神逐鬼點放大

砲與內地驅疫相似其砲圍約二尺五寸高約四

尺上鑄成勦除叛賊五字諸砲各裝大子於琉璃

橋下河灘打過牛魔山以寧

東噶爾山

在布達拉山西二十

地方人民番俗相傳如此

浪黨山

在西藏北十里塞喇寺後上下約三

里峻聳連霄約高四百丈山下設宮西藏要隘

甘丹山

在西藏東甘丹寺後上下約三

峻參半

甘丹山

在西藏東甘丹寺後上下約三

祿馬嶺

在藏東七日不

高綿長百里四時積雪烟瘴難行過嶺二日至工
布達拉北有敵工隘以拒準噶爾倚山為勢設橋

為防無他逕可通瓦合一柱刺山在藏東離洛隆
乃西藏咽喉之地

行四山相接綿長百六十里四時積雪不消有數
十寸之雪窄行其上愁雲瘴霧目色慘淡鳥獸藏

連康熙五十九年雲南官兵三百餘過脚山離瓦
人至此山下營一夜風雪人馬盡僵

三日路陡綿長五十里有烟瘴過山至昌都二日
昌都乃川滇西藏三界之中為最重之地兩河環

地左右有大木橋東走四川南達雲南
西走西藏北通青海乃屏藩之區也 阿里山在藏

西高峻多瘴途長八百餘克里野山在藏北徑過
里四時積雪奇寒不可行千餘里淤沙

積雪烟瘴逼人冬夏皆不可行過山即準噶爾葉
爾根地方自藏至楊八景出口入草地由哈拉烏

蘇至餘樹白兔河等處皆乳牛山在西藏東北番
係大山其平川俱為旱海名烏捏烏蘇即

金沙江之原其水名烏魯烏蘇東南流入喀木大
地又東南流逕中甸入雲南塔城關名金沙江大
河其源有三一出自三壩經流至勢鎮寺歷湯家
古索合流白楮河一出自金剛喇山巢經流至
竹貢寺哈定合三壩水會於白楮河一出自祿馬
嶺經流入烏蘇過仁進里合三壩剛喇水會於白
楮河三江之水聚為滙過大則得怒江西藏南界
慶至西藏門首有木船皮船為渡至此江水
不知其源濶數里兩岸絕壁中流急湍人莫能渡
逸南一帶名曰工布地土頗廣工布之南即絡猡
中隔一河絡猡乃野人名老卡止脣割數缺塗以
五色性喜食鹽其地產茜草水竹紫草葦人不耕
不織石穴為巢獵牲為食藏內有犯重罪番人即
解送過河羣老卡止便分而啖之與豺狼無異

古蹟

布達拉寺塔

在藏五里平地突起兩峯一為布達拉山內修金頂寶刹乃達

賴刺麻坐禪處一為甲里必洞山上修樓房二座
係有行刺麻靜修處於兩山貫脈中建一塔僧俗

人等往來其間
蓋西方勝境也
琉璃橋
在藏堡外上布達拉山大

琉璃瓦
水閣涼亭
在布達拉山寺北有池中建樓閣壯麗高爽登覽者必乘舟以

濟風景
花園
在布達拉山西北環植柳樹
殊佳
亭中多奇石名花堪供玩賞
寵斯岡

在藏堡內大街昔為達賴刺麻遊幸之所繼為拉藏汗住所樓閣壯麗約二百餘間今為駐防衙署

經園
在疏目岡布達拉西七里許茂林流泉薜蘿掩映為達賴刺麻班禪刺麻往來停驂小憩

之海中寺
在藏西行半月海中有山寺建於上極其宏麗望之有蓬萊方丈之勝番名多

爾吉拔母宮乃女刺麻
唐公主遺像
在大詔內曰多爾吉拔母所居云
老木廊建自

唐時有唐公主吐蕃贊普並白布國王女塑像並貯有古戎器其劍長五六尺鳥鎗至文餘弓矢較

今式
唐碑
在大詔門外高一丈五尺寬四尺厚二尺唐文武孝德皇帝撰
大蕃

神聖贊普 舅甥二主商議社稷如一統立太和

盟約永無淪替神人皆以證知世世代代使其稱

讚是以盟文即日闕四之闕二文武孝德皇帝與

大蕃神聖普綺之黎贊陛下二聖 舅甥睿哲鴻

波曉今未之屯亨矜憫之情恩覆其無内外商議

所同務令萬姓安闕二恩如一成又闕一大闕十

燕義二國所守見管封疆闕二屬大唐國界其實

以西方是大蕃境土彼此不為殺敵不舉兵革不

相侵謀闕二或有猜阻挺生問事訖給以衣糧放

歸今社闕十舅甥相安之義不朽每須通傳彼此

相倚一任闕七路蕃漢臣以將軍闕三其綏氏柵

已東大唐祇應清水縣以西大蕃供應舅甥親近

之稷使其兩界烟塵不揚闕四之名須無驚恐之

患闕一人情闕一鄉闕二俱安如斯樂業之闕一

恩萬代或有闕一美之聲遍於日月所照矣蕃於

蕃國受安漢亦漢國受樂茲乃合其大業耳闕一

依此盟誓永久不得私易然三寶諸賢並日月星

長闕十於陳刑之此大闕三倘不依此誓

蕃漢

闕八字

破盟者來其殃禍也仍須

闕五字

盡為陰

謀者不在破盟之限蕃漢君臣並稽古立誓周細

為文

闕八字

古紀功碑

在大卜喇巖前朝代年號未詳上刻

雲山為劍

風樹為旗

用彰我武

永靖邊夷

土則水利

烏斯藏田有水旱土地平行達賴刺麻

所居為布達拉藏王所居為諾南北袤長四十里

東西延廣四五百里陸可馳馬中貫河道水流東

南不甚駛急清波連漪澄澈見底詔內夾河兩聚

部落臨白水江爲藏地之中央番戎僧俗商賈雜處其地廣二里許詔中樓殿衙署街衢馬市井井可觀周回無城郭就人所居碉樓環繞相聯以爲藩籬似中華一大邨鎮其餘邨莊星羅碁布外則崇山圍繞隘口險峻誠有一夫當關萬夫莫開之勢東通四川東南達雲南界東北向潘州暨湟中達中華正南千里通後藏西北由後套穿衣里直達準噶爾部落西抵後套西南向大西洋海邊土人云藏地有萬里之遠

詔之北畜水爲圩土人種稻其中故詔中多白米詔
中河名白水江江面隨水濶狹澄澈見游魚中多
綠松兒石頂如盆盎然淘泥下掘身大如象惟他
河中有小綠石易取適用藏人往來此江俱用船
筏濟渡江水入冬結冰不厚日出則消藏中山石
多巉巖而田土肥美泉多足用

風俗 信佛崇僧生子半爲刺麻沈面於酒淫瀆於
色婚嫁無禮至不忍言死喪或付鷹犬或投水火
其習俗也

物產 松蓋石 青金石 瑪瑙石 密蠟 琥珀

硃砂 阿魏 黃連 茜草 紫草茸 胡連

石青 桂皮 訶梨勒 藏棗 藏杏 藏香

藏紅花 藏核桃 椰子 氈毯 偏單 藏繭

藏綢 花綢 花布 紫檀 青鹽 青稞 小

麥 犏牛 牦牛 犛牛 青羊 羚羊 細鱗

魚 天鵝蛋 黃鴨 六畜 皆有獨犬 大餘俱小 奇松 西藏

山多松虬蟠偃蓋 上有百鳥巢焉

闕隘 湯家古索 在西藏東一百八十里 有東噶爾

缺索橋番民呼為扎桑巴

關 在藏西三十里南憑大
河北倚峻嶺頗稱險要 曲暑關 在布達拉西一
百五十里有鍊

素橋為前後 喇烏蘇河口 在藏東北一千四百
藏往來要道 里皮船為渡居民俱

屬西 木魯烏蘇河口 在藏東北二千九百里與西
藏 寧番屬交界撥民人四十戶

於河口住牧盤
詰往來具報

戶口 藏王頗羅鼐所管前藏部落六十八處人民

計一十二萬一千四百三十八口寺廟三千一百

五十座刺麻計三十萬二千五百六十衆後藏部

落十三處人民計六千七百五十二口寺廟三百

二十七座刺麻計一萬三千六百七十一衆

雍正十年分歸西藏管轄番民共四十族計四千八百八十五戶一萬七千六百九十八口又

賞給達賴刺麻自漢人寺起至竭磋止共二十三處大小頭人一百七十八名番民一萬一千八百五十七戶

貢賦 西藏轄下每年共認納 貢馬九十二匹牦牛一千五百九隻犏牛七十一隻羊一千三百七十隻

賞給達賴刺麻轄下每年共認納糧銀一千五百二

十二兩米一百刻青稞九百刻麥二百五刻豌豆
三百三十刻馬二十匹騾三十四匹犏牛三十五
隻犍牛三百九十隻羊一千三百四十九隻鹽五
百五十三支豹皮三張猓獠獠皮一張酥油一百
八十刻茶三十五甌

人事 官多世襲治事藏王之下設噶隆數人總理
事務設高覺一名察核境內事宜昌諸數名專司
錢糧浪子沙數名管理刑名并承辦差務其料理
家務頭人名業爾巴其各處大頭人曰碟巴次曰

熱熬其統兵之人名代奔皆取讀經典善書能幹
事而家道殷實者爲之人不薙髮耳飾大環項挂
念珠視耳環大小以分等威 農遇春和水至耕
耘鋤耨水田旱地各乘時力作農事差似中華惟
牛微小有五頭作一具者 工匠各色皆備木石
工玲瓏細膩丹青纍絲尤屬奇巧商有本地及西
洋纏頭鄂羅厄勒素回回各色目人貨物輻輳交
易街市婦人充牙儂經紀其間 醫藥卜筮俱有
詔中人病俱服藥延醫診治諸藥大半與中華異

皆出藏地及西洋遠方購易者多係丸散小疾則以清油酥油遍身擦之暴於日中或刺血卜筮遇事則翻檢其經以數目推測休咎其經典中每事各註明吉凶觀玩以告占者似乎中國神籤之詞又有刺麻以紙畫八卦書番字而占者有以青稞排卦抽五色毛索而占者或數素珠而占者或畫地而占者或看水碗而占者婦人中亦有能者交接禮儀自噶隆磔巴下至小番見藏王暨長子祇卸帽於手伸舌打半躬垂手曲腰各自就坐凡

進見必遞哈達如綾絹手帕長短不一亦如中華
投刺之意卽平行亦彼此交換爲禮 居室皆係
平頂碉房砌石爲牆層累而上覆以土石有二三
層至五七層者 衣冠男衣大領衫紅綠彩色不
一腰纏白緞頭戴白巾以極細帛布爲之倣唐進
士巾婦人衣偏衫裙長摺緹髮覆珠帽甚有費至
數千金者若百餘金中人以下之飾矣凡見刺麻
婦女皆用紅糖塗其腮不然則謂其呈妍獻媚罰

徒不宥 刑法有律例三本共四十一條所載則

法甚酷內有鎗打箭射者有送曲水蝎子洞令蝎子食者有鑿眼砍手者有解送絡榆令野人分啖者有用滾油滴其胸者是以禽獸視其民無怪乎殺奪相尋也

天時 自木魯烏蘇西一路至烏斯藏每晚日落見星仰觀經星及象星覺光芒閃爍較中土爲更大歷夏秋冬三季並不見北斗七星烏斯藏恭奉

正朔遵時憲書行歲以建寅孟春爲首亦有閏月但其閏月不同時耳如壬子年閏五月其地閏正月

乙卯年閏四月其地甲寅年閏七月更有閏日之
異月無小盡如閏初一則無初二卽至初三日矣
或於月內摘去二三日如二十六日次日卽二十
八日推日月之蝕亦毫髮不爽四時氣多溫和夏
亦暑雖秋分後經冬至春分鮮嚴寒頗似中華二
八月也日月明晦雷電震作較中華無異少晴霽
多陰雨夜亦有露秋終有薄霜雪不厚積秋末春
初各處有薄雪冰雹平時稀見但行軍之時隨路
水圍山獵則雷雨冰雹頓至不旋踵平時間作達

賴刺麻呪祝卽止然亦有不應者

兵防 西藏計有馬兵六萬四千餘名拉撒馬兵三千名後藏馬兵二千名阿里馬兵五千名裸壩馬兵一千名党子拉藏浪木錯等處地方毳帳蒙古馬兵三千名阿里並前後藏各處步兵共五萬名至臨陣惟蒙古有馬兵八百名頗勇其次阿里裸壩工布之兵尚健其餘之兵具名而已兵無營制有事於部落中抽派壯勇者出人不出馬出馬不出人亦有甲冑其甲有柳葉者有連環者有鎖子

者馬兵盔上插紅纓一撮孔雀尾一支步兵盔上插雄雞尾一束所用之矢皆竹爲之鵬翎鏃如錐長三四寸其弓木胎角面身稍俱短而小亦有用竹爲弓者旗幟以黃紅白黑藍五色綢緞或布爲之其製長有八九尺至一丈一二者旗纓各如旗之色對壘馬兵在前步兵在後事畢仍歸本業每年四月內則派兵出駐各隘口一以牧放一以防邊

一 寺廟

大詔寺

在西藏堂內坐東向西周回建樓閣瓦蓋飾以黃金內設諸佛像幢旛寶

蓋供奉

萬歲御座香花玉蓋四季長新為西藏巨觀堪布大刺麻

一名小刺麻數千眾在西藏堡內坐東向

另設僧官二名鈴束小詔寺在西藏堡內坐東向

相傳為唐公在西藏東九十里廿丹山上

主肉身塑像甘丹寺番民相傳為宗噶巴修行之

地即俗所稱寶貝別蚌寺在藏西十五里築土為

佛是也刺麻甚眾城前臨大道後倚山巖

有金殿大寺三座為中外各處刺麻習學藏經

之所刺麻約有萬象俱於大寺旁石屋居住塞

喇寺在藏北十里依山成勢築土為城畱門三建

金殿大寺二座內多係甘肅楊魯等土司及

河州一帶刺麻木轆寺在西藏堡內坐北向南經

在此受戒傳經堂佛像寶器俱極精巧

桑鳶寺在西藏南與甘丹寺相近土城內建大寺

一座經堂佛像俱裝金與大小詔相類內

并有唐時供仍仲寧翁結巴寺在大詔西八日即

奉關帝云後藏扎什隆布地

乃仲寧翁結巴寺在大詔西八日即

其寺負山襟河院宇殿麗佛像裝嚴仍班禪刺麻
坐牀之所各處朝禮之西番蒙古人衆不絕於途
凡學番經成必至此撒家寺在扎什隆布境內有
受戒取名熬茶施衆撒家班禪刺麻乃係
紅帽刺麻之祖師其教刺麻年少時娶妻生子俟
其有子後不復再近家室始登法座接背相傳云
執正寺在大詔東北二日其寺在角子納山上殿
閣巍峩刺麻衆多其山徑曲折禽獸之屬
目無所見刺麻搖鈴喚之俄傾之間
鷹鹿雉兔各物畢集誠一異觀也按西藏寺廟

甚夥不能盡載擇其名尤著者錄於右

刺麻 卽中國之釋子其僧家內典皆自番經譯出

然惟西藏爲甚多凡出家者不娶妻著紅黃衣佛
書甚多楞伽經至萬卷元世祖尊西藏刺麻八思

巴爲大寶法王錫玉印旣沒賜號皇天之下
一人之上宣文輔治大聖至德普覺真智佐國如意大
寶法王西天佛子大元帝師自是其徒嗣者咸稱
帝師明洪武初太祖征唐世吐蕃之亂思制御之
因其俗尚用刺麻化導爲善乃遣使廣行招諭又
遣陝西行省員外郎許允德使其地於是烏斯藏
攝帝師喃加巴藏卜先遣使朝貢五年十二月至
京帝喜賜紅綺禪衣及鞵帽錢物明年二月躬自
入朝上所舉故官六十人帝悉授以職改攝帝師

爲熾盛佛寶國師仍錫玉印及綵幣表裏各二十
玉人製印成帝眎玉未美令更製豎辭還命河州
衛遣官齎敕偕行招諭諸蕃之未附者冬元帝師
之後鎖南堅巴藏卜元國公哥列思監藏巴藏卜
並遣使乞玉印廷臣言已嘗給賜不宜復予乃以
文綺賜之七年夏佛寶國師遣其徒來貢秋元帝
師八思巴之後公哥監藏巴藏卜及烏斯僧荅力
麻八剌遣使來朝請封號誥授帝師後人爲圓智
妙覺洪教大國師烏斯藏刺麻爲灌頂國師並賜

玉印佛寶國師復遣其徒來貢
舉上官五十
八人亦皆授職九年荅力麻八刺遣使來貢十一
年復貢奉舉故官十六人爲宣慰招討等官亦皆
報允十四年復貢其時喃加巴藏卜已卒有刺麻
哈力麻者國人以其有道術稱之爲尚師成祖爲
王時知其名永樂元年命司禮少監侯顯僧智光
齎書幣往徵其先遣人來貢而躬隨使者入朝四
年冬將至命駙馬都尉沐昕往迎之旣至帝延見
於奉天殿明日晏華蓋殿賜黃金百白金千鈔二

萬綵幣四十五表裏法器裊褥鞍馬香果茶米諸
物畢備其從者亦有賜明年春賜儀仗銀瓜牙仗
骨朶魷燈紗燈香合拂子各二手爐六繖蓋一銀
交椅銀足踏銀兀銀盆銀罐青圓扇紅圓扇拜褥
帳幄各一旛幢四十有八鞍馬二散馬四帝將荐
福於高帝后命建普度大齋於靈谷寺七日帝躬
自行香於是卿雲甘露青鳥白象之屬連日畢見
帝大悅侍臣多獻賦頌事竣復賜黃金百白金千
寶鈔二千綵幣表衣百二十馬九其徒灌頂圓通

善慧大國師荅師巴羅噶羅思等亦加優賜遂封
哈立麻爲萬行具足十方最勝圓覺妙智慧善普
應佑國演教如來大寶法王西天大善自在佛領
天下釋教賜印誥及金銀鈔絲幣織金珠袈裟金
銀器鞍馬命其徒孛隆逋瓦桑兒加領真等爲大
國師並賜印誥銀鈔絲幣已命哈立麻赴五臺山
建大齋再爲高帝后荐福賜予優厚六年四月辭
歸復賜金幣佛像命中官護行自是迄正統末入
貢者八已法王卒久不奉貢洪治八年王葛哩麻

巴始遣使來貢十二年兩貢禮官以一歲再貢非制請裁其賜賚從之正德元年來貢十年復來貢時帝惑近習言謂烏斯藏僧有能知三生者國人稱之爲活佛欣然欲見之考永宣間陳誠侯顯入番故事命中官劉允乘傳往迎閣臣梁儲等言西番之教邪妄不經我祖宗朝雖嘗遣使蓋因天下初定藉以化導愚頑鎮撫荒服非信其教而崇奉之也承平之後累朝列聖止因其來朝而賞賚之未嘗輕辱命使遠涉其地今忽遣近侍往送幢旛

朝野聞之莫不駭愕而允奏乞鹽引至數萬動撥
馬船至百艘又許其便宜處置錢物勢必攜帶私
鹽騷擾郵傳爲官民患今蜀中大盜初平瘡痍未
起在官已無餘積必至苛歛軍民挺而走險盜將
復發况自天全六番出境涉數萬之程歷數歲之
久道途絕無郵置人馬安從供頓脫中途遇寇何
以禦之虧中國之體納外番之侮無一可者所齎
敕書臣等不敢撰擬帝不聽禮部尚書毛紀六科
給事中葉相十三道御史周倫等並切諫亦不聽

允行以珠琲爲旛幢黃金爲供具賜其僧金印犒
賞以鉅萬計內庫黃金爲之罄盡敕允往返以十
年爲期所攜茶鹽以數十萬計允至臨清漕艘爲
之阻滯入峽江舟大難進易以舳舻相連二百餘
里及抵成都日支官廩百石蔬菜銀百兩錦官驛
不足取傍近數十驛供之治入番器物估值二十
萬守臣力爭減至十三萬工人雜造夜以繼日居
歲餘始率將校十人十人千人以行越兩月入其地
所謂活佛者恐中國誘害之匿不出見將士怒欲

脅以威番人夜襲之奪寶貨器械以去將校死者
二人卒數百人傷者半之允乘善馬疾走僅免返
成都戒部下弗言而以空函馳奏至則武宗已崩
世宗召允還下吏治罪嘉靖中法王猶數入貢迄
神宗朝不絕時有刺麻鎖南堅錯者云知己往未
來事稱活佛順義王俺荅亦崇信之萬歷七年以
迎活佛爲名西侵瓦剌爲所敗鎖南堅錯戒以好
殺勸之東還俺荅亦勸刺麻通中國乃自甘州遣
書張居正自稱釋迦摩尼比丘求通貢饋以儀物

居正不敢受聞之於帝帝命受之而許其貢由是
中國亦知有活佛此刺麻有異術能服人諸番莫
不從其教卽大寶法王及闡化諸王亦皆俯首稱
弟子自是西藏止知奉此刺麻諸番王徒擁虛位
不復能施其號令矣今藏內刺麻番人最崇信敬
禮者前藏達賴刺麻後藏班禪刺麻 西都楞布

氣 多爾吉拔姆 扎什楞布氣 三巴呼圖兔

噶爾嗎呼圖兔 阿嗎記仲呼圖兔 阿里竹孫

呼圖兔 阿噶仲吉 地母呼圖兔云俱能轉生

不迷本性然無可考其教始有黑帽紅帽刺麻能
役鬼驅神吞刀吐火招水呼風柔金隱身諸法至
今藏內刺麻能之者尚多自西寧刺麻宗嗜巴抵
藏甘丹寺坐牀設教戴黃帽禁其徒妄作以靜坐
修禪爲本謂之黃教其教今大盛云

附國 後套在大詔西邊相距五百餘里屬藏王管
轄土沃產棗 後藏在詔之南將千里近雲南界
班禪刺麻主之土宜美饒 巴爾布國在藏西南
行兩月其民分爲三部一曰布顏罕一曰葉楞罕

一曰庫庫木罕地產犀牛孔雀珊瑚琥珀於雍正
十一年遣使奉表入都 布魯克巴國在藏西南
約行月餘天氣炎熱產大豕稻黍豆麥瓜果與中
華相類南行月餘卽天竺國界唐時歸附於內賜
給刺麻印冊尚存其文曰唐師國寶之印於雍正
十一年遣使奉表入都

自西寧至藏路程附

西寧府

一百五十里至

河拉庫托營

過日月山卽係青

哈什

哈水

有草無柴燒糞青海蒙古住牧自此分南北
兩路北路走六程南路走五程卽會合六十

里北路侃布灘有草無柴青海蒙古住牧七十里至阿拉烏兔有草無柴

青海蒙古住哈套有草無柴青海蒙古住牧五十里至西哈套峽有草

無柴青海蒙古住木戶兒有草無柴青海蒙古住牧六十里至牛哥兔

有草無柴青海蒙古住又南路白彥腦兒有草無柴

自哈什哈水起五十里至有草無柴青海蒙古住牧四十里至西泥腦兒

青海蒙古住恰不恰有草無柴青海蒙古住牧六十里至牛哥

有草無柴青海蒙古住公嚙腦兒有草無柴青海蒙古住牧六十里至衣麻兔

兔與北路合為沙拉兔有草無柴青海蒙古住牧六十里至

一處五十里至登弩兒特有草無柴阿力克番古住牧五十里至

有草無柴青海蒙古住特有草無柴阿力克番古住牧六十里至

哈隆烏素有草無柴阿力克番子堙列腦兒有草

佳牧有瘴七十里至有草

佳牧有瘴七十里至有草

佳牧有瘴七十里至有草

佳牧有瘴七十里至有草

佳牧有瘴七十里至有草

佳牧有瘴七十里至有草

佳牧有瘴七十里至有草

阿里克番子住牧
有瘴七十里至
垵利卜拉
有草有柴端住格隆
番子住牧有瘴六十

里
至
必雷兔溝
有草無柴端住格隆百
阿隆阿他拉

川
有藥草水窄草微有瘴南各壘番子住
貞力麻
牧北達賴刺麻商上人住牧七十里至

川黃河源
有草無柴有瘴南北達賴刺
噶順阿壩
麻商上人住牧六十里至

兔
有草無柴永沙豹百戶
且克腦兒
有草無柴有
番子住牧六十里至
瘴蒙古爾津

番子住牧
五十里至
哈麻胡六太
有草無柴蒙古爾津番
子住番有瘴五十里至
哈

拉河
有草無柴南年木錯番子北
烏蘭伙哩
草微
即星宿海有瘴五十里至
無柴

南別利番子住牧北星
阿拉台奇
草微無柴南別
宿海有瘴六十里至
利番子住牧北

星宿海腦有
刺麻托洛海
有草無柴南別利番子
瘴六十里至
住牧北星宿海腦有瘴

五十一克白彥哈拉有草無柴多洛奴圖番子住牧六十里至烏河那

峽草微無柴多洛奴圖番子住牧六十里至巴汗白彥哈拉底有草無柴那哈

學番子住牧六十里至哈拉河洛有草無柴那哈學番子住牧六十里至柯

柯賽渡口有草無柴由受番子住牧自此赴藏有三路惟柯柯賽有渡河皮船上為七又

河再上為擺圖水不發時駝馬可涉然官兵入藏皆由柯柯賽故紀此路自西寧起至

穆魯烏素河計三十程共一千七百一十里有瘴

氣地方一十三處自柯柯賽起柯柯托爾有草有瘴地方

狹由受番子住大湖灘有草有瘴南北由受百戶爾克台奇番子住牧五十

里托伙六托洛海有草有瘴南阿爾台奇番子住牧北至七叉河沿五十里至

插漢哈達 有草有瘴南阿爾台奇番子住牧 東卜

拉 有草有瘴南格里吉番子住牧 塞柯奔 有草格

子住牧六 北至穆魯烏素河七十里至 胡藍你伙 有草格 多藍巴兔

兒 有草格 吉番子 卜漢你賽爾 有草有瘴格

十里 住牧五十里至 胡角爾兔 草缺格 吉番子 阿河但 有草有瘴奔巴

番子住牧 因大木 有草有瘴奔巴番 鐵兔托洛 有草

四十里至 有瘴奔巴番子 一克奴木汗 有草有瘴奔巴番 索

住牧六十里至 胡 有草有瘴奔巴番 巴汗奴木汗 有草有瘴說立

牧五十 里至 撥湖沙 有草有瘴說立站且功 查汗哈達

里至 番子住牧五十里至

坡伙 有草有瘴說立站且功 尺汗哈達 有草有瘴說立站且

功番子住牧 四十里至 沙各 有草有瘴說立站且功 曠扎希

里 有草有瘴南北通擺 却那伙六 有草有瘴哈

蒙古住牧西藏 圖西路五十里至 哈拉烏素 有草哈拉烏素堪布 班

所管六十里至 有草有瘴堪布蒙 哈拉火洛 有草西堪布

的奔第 古住牧五十里至 魁田希拉 有草有瘴堪布蒙 巴卜隆 有草有瘴南有

十里 至 河又巴又番子住牧西 乃滿素不拉哈 有草河又

至天蓋腦兒四十里至 住牧西藏所 達目 有草南河又巴又番子住牧西

管五十里至 達目番子住牧亦西藏所管五 羊阿拉 有草有瘴達目番 來頂寺 草微地狹

住牧四十里至鐵鎖橋草微南至大恰哈拉草微南至兩

至孫冬卜宗浪唐草微南浪唐番子住牧

拔皆西藏所西藏東至四川大路南至洛華番子

管八十里至自穆魯烏素河起至西藏止計三十七程共一千

九百六十里有瘴地方二十三處一路俱有水故不分載其無柴

處皆屬燒糞右自西寧至西藏大詔止共計六十七程

路三千六百七十里

松門楊氏曰古昔弓矢之藝與禮樂之藝同列於學

干戈之舞與羽籥之舞並隸於教蓋兵者聖人所以

討強暴救危殆何可一日不講也子朱子云爲守令
第一便是民事爲重其次便是軍政今人都不理會
然則武備者世儒文吏多存而不論奚可哉吾甚不
取故纂斯志凡兵制備兵戍兵民兵土兵下至戎器
駢馬無不詳載至番族遠近塞外四衛始末并青海
源流所通準噶爾徑路烏斯藏疆域山川古蹟關隘
戶口兵防天時人事亦備細附列焉欲蒞茲土者知
地利而爲之防範也古今戰陣之法亦因時制宜要
不外陰陽五行而已黃帝五陣分木火土金水卽直

陣銳陣圓陣方陣曲陣是也太公天陣地陣人陣乃
星宿孤虛山川向背偏伍彌縫是也天地風雲虎翼
蛇蟠龍飛鳥翔此風后八陣也方圓牝牡衝直方宜
車輪鴈行此孫子八陣也吳起八陣又有曲直銳封
車廂車軋鵝鸛衝陋之殊武侯八陣則又有洞當中
黃龍騰鳥翔連衝握奇之異李靖之六花陣則中軍
外軍左虞候右虞候左二廂右二廂乃善變九軍之
法耳所謂八陣卽九軍九軍者以八包一方陣也六
花卽七軍以六包一圓陣也方爲陰圓爲陽然漢霍

驍騎唐張睢陽宋岳忠武皆立功當時垂名後世未
嘗用古陣法神而明之又存乎其人也寧郡卒伍耐
勞而敢戰兵以氣爲主第養其鋒銳周其空乏精其
騎射西陲之勁旅矣其步伐止齊演陣修飾抑末也
良將帥自握其要焉

